



A. d. 672

y Carion, Jr.

mebr 2) - 5)

MF (1-5)

**Von höchster Fröud vnd
 größtem Leyd des künfftigē Jüng
 sten tags / vff welchen vnser Herr
 Jesus Christus kommen wirt / zū richten die
 läbenden vnd todten / vnnnd sine gläubigen
 zū jm berüffen / vnnnd Begaaben mit ewiger
 fröud vnnnd sälligkeit / vnd die vngläubigen
 verstoffen vnd straaffen mit ewigem leyd vñ
 imerwärender pyn / Getrüwe warnung / güts
 ter trost / vnd grundtlicher Bericht / Hein
 rychen Bullingers dieners der
 Kyrchen zū Zürych.**

In diesem bericht wirst du lieber Läser finden
 allen handel vnd das ganz wäsen diser vnser let
 sten zyt / ouch des Jüngsten tags vnd gerichts vn
 sers Herren Jesu Christi / ganz nütz vund notd
 wendig dir zū läsen vnd zū wüssen.

I B S V S

Das ist min sürgellepter Sun / in dem ich versä
 net bin / jm sind gehörig. Matth. 3. 17.

Getruckt zū Zürych / by Christoffel
 Froschouer. M. D. LXXII.

2



Faint, illegible text, likely bleed-through from the reverse side of the page.

Fragment of text from the adjacent page, including characters such as 'v', 'sp', 'ct', 'no', 'b', 'v', 'a', 'v', 'd', 'g'.



2

Dem Edlen Westen Georgen
von Stetten vff Bockspurg by Zug
spurg / minem günstigen für geliebten Jun-
ckeren. Der allmächtig Gott wölle durch sei-
nen geliebten einigen Sun vnseren Herren
Jesum Christum / Vwer Vest vñ allen den
iren / vil gnaad vnd frid verlyhen /
inn krafft des Heiligen
geists. Amen.

S Ich hab nun vil Jar
har / günstiger fürge-
liebter Juncker / vß V.
V. flyssigem vnd vilfal-
tigem schrybē / oft mer-
cken mögen / wie V. V.
by iren selbs vil nachgedenkens vnd
betrachtens hat der zukunfft vnser
Herren Jesu Christi zum gericht /
vff den letstē oder Jüngsten tag / vñ
alles handels / der durch anzeigung
vnd zügnuß des göttlichen worts /
dem selben zügethon ist vnd anhan-
get. Da zwar ē hochlich zü wünschē /
A 4

Daß menschlich sömlicher hoch notd=
wendiger betrachtung / in waarem
glauben vn̄rächter anruffung Got=
tes/sampt flyssigem wachen vn̄ bät=
ten fast üpte. Hab deshalben ver=
meint/damit sömlichs by vilen men=
schen möchte zu wägen gebracht wer=
den/wurde ich V. V. vnd ouch an=
deren rächtgläubigen wol vnd ange=
nām dienen / wenn ich so von hoch=
notwendiger sach/ein so kurtzen be=
richt/als immer syn möchte/thätte/
ouch hienabend menschliche trüwlich
warnete vnn̄d in disen erschrockenli=
chen dingen troste. Sann zu dem
dise vn̄sere gägenwirtige vnd letste
wält/mit vilen bösen prästen beladē
ist/hat sy doch erst darzu den grossen
mangel ouch/das sy gar sicher in irē
bösen wandel fürfart / sich gar nüt
der künfftigen erschrockenlichen din=
gen / die aber gewuß vorhanden sind
vnd kōmen werdēd/weder versicht/
noch sich darzurüst / darzu ouch so
sorg=

sorgloß vn̄ lieðlich ist/das sy gar nit
 hören noch läsen wil/was flyssig vn̄
 nach der länge/von disen vnd ande
 ren hendlen Gottes/ geredt oder ge
 schriben wirt. Seshalben/ ob doch
 nachmalen diser sach etwas möchte
 gehulffen vnnd darby die trostlosen
 getröst werden / hab ich zu gemeinē
 gütem/ zu rächtem trost/ bericht/ vn̄
 trüwer warnung/den gangen han
 del des Jüngsten tags vnd künfft
 gen letzten gericht vnsers Herren
 Jesu Christi / allhie in dises Kurtzes
 vnd kleins büchly gefasset. Söml
 ches eignen vnd schryben ich V. V.
 zu/damit V. V. gemüt vnnd sinn/
 nit nun in betrachtung diser nodt
 wendigen heilsamen sachen/ zu ster
 cken / sonder ouch andere gläubige/
 die inen wöllend radten lassen / zu
 hälffen/vnnd sy in disen gefaren let
 sten zyten / einfaltig vnd richtig vff
 den rächten sicheren wäg der waren
 sälligkeit zu wysen. Gott verlyhe sin

gnaad darzu. Hiemit wil ich mich
ouch gägen V. V. fründlicheit/danck
bar erzeigen / vnd in all ander wäg
die V. V. angenäm vnd mir müg-
lich zedienen / willig angeboten ha-
ben. Der Allmächtig Gott verlyhe
V. V. sampt allen den jren sinen hei-
ligen sägen / schirme vnd behüte üch
alle vor allem bösen. Datum Zü-
rych im Secember / im Jar
vnfers heils 1571.

Von höchster fröud vnd gröstem leyd des zukünfftigen Jüngsten tags / 26.

Vorred.

In diser letzten / ellenden vnd ver-
ämerten zyt / kan vnd mag von
keiner sach notwendiger vnd nutz-
licher gesagt vnd geschriben wer-
den / dann von deren / die ich mir
hie / mit Gottes gnaad vnd hilff /
fürgenommen hab / so kurtz in-
möglich zu handlen / namlich / von höchster fröud
vnd gröstem leid des zukünfftigen jüngsten tags /
vff welchen vnser Herz Jesus Christus richten
wilt die lebendigen vnd todten / vnd sine gläubige
zu im berüffen / vnd begaaben mit ewiger fröud
vnd sälligkeit / vnd die ungläubigen verstoßen vnd
straaffen mit ewigem leid vñ inmerwärender pijn.

Dann diewyl diser zyt / alle dise wält / in vil
angst vnd nott / trübsal / kummer / mangel vnd gros-
sen gesaaren stadt / vil lüth trostlos in irem ellend /
schier nit wüßend was sy thun / oder wohin sy sich
feeren söllend / daß sy trost vnd vfhalt findind.
Dargagen vil sind / die keiner dingen achtend / de-
nen gar nit zu herken gadt / sonder ganz rouw vñ
verrücht / allerley gyt übend / vnd demnach wol-

Von fröud vnd leyd

lüst / vnd diser wält pracht / müßwill vnd üppigkeit
süchend / vnd also in irem gottlosen wüsten wäsen
starck fürfarend / damitt ouch gottsföchtigen lü-
ten ye länger ye beschwerlicher vnd verleslicher
werdend / so mögend vsß disem gegenwertigen be-
richt gottsföchtige lüth in irem ellend vnd schwe-
rem anligen / vndericht trost vnd ergeklichkeit em-
pfahen / die gottlosen aber vnd verrüchten men-
schen / ir schwere vñ grewenliche vrtail hören / ob sy
vilicht göttlich erschrecken / sich ouch in dem end di-
ser letsten jämmerlichen wält / zu Gott vnd der war-
heit bekartend / irens rouwen grewenlichen läbens
abstündend / sich bessertend / Gott dientend / vnd al-
so irem vrtail / der ewigen verdammuß / entrun-
nend / vnd mit allen heiligen ouch sällig werdend.
Der gnedig trüw Gott verlihe sin gnaad menckli-
chem / daß er disen bericht mit glouben / zu trost vñ
besserung höre vnd annemne.

Woruß di-
ser bericht
genomen.

Den ich ouch aller dingen alein nach dem gött-
lichen wort richten / vnd des minen müß darnn mi-
schen noch fürbringen wil / in ansähen des / daß ge-
löubige gottsföchtige lüth sich allein dem göttli-
chen wort zu leyten oder führen vertrauend / vnd
kein menschen leer / für sich selbs sicherlich grundt-
lich vnd bestendiglich rächt trösten vnd vnder-
richten kan.

Darzu diewyl von künfftigen vnd himme-
lischen dingen / insonders von dem künfftigen ge-
richt vnseres Herren Jesu Christi / hie sol vnd
müß geredt werden / vnd aber sömliches niemand
baß

Daß weißt / dann der im himmel ist / vnd selbs rich-
ten wirt / vnser Herz Jesus Christus / so kan vnd
mag ouch von diesem handel allein vß sinem vnd si-
ner gesandten der heiligen Apostlen leer / ein satter
gewüßer vnd bestendiger grund angezeigt werden.

Weliches ich fürnemlich von deren wägen /
grad hie im anfang dises handels / anzühen / die da
sprechend / Wer mich geleert oder geheissen / von
künfftigem gericht deß Herren reden / da doch nie-
man wüssen möge / wie es syn oder ergan werde.
Dann wie bekund gemeldet / sag ich hieruon nit
vß mir selbs oder vß anderer menschen gürdun-
cken / sonder allein vß dem wort Christi / seiner A-
postlen / vnd der heiligen Propheten.

Deßhalben bist du mit diesem bericht gnügsam
versicheret / also daß so du im gloubst vnd volgst /
der warheit göttlichs worts gloubst vnd volgst /
vnd nit verfälscht / gloubst du aber vnd volgest nit /
so verachtist die warheit vnd wirst darumb die zye-
lich vnd ewige straaff empfahen.

Daß alle Gottes verachter den
Jüngsten tag verlougnet vñ verach-
tet / der aber gewüßlich kommen vnd
syn wirdt.

Alle Gottes vnd seines heiligen worts ver-
achter / habend von newälten her den
Jüngsten tag vernütet / vnd der wält
end vnd vndergang verlachtet: wie danit

Der Jüng-
ste tag ver-
nütet vñ
verlougnet

Von fröud vnd leyd

ouch die torächte philosophi geleert / die wält sye ewig. Insonderheit aber hat der heilig Apostel Petrus geweyssaget / das erst in disen letzten tagen / zu nächst vor dem jüngsten gericht / kommen werdend / die aller ärgiste lychtferigiste menschen / ja die rächten (lezim) spottvogel / die alle geistliche oder göttliche ding verlachen / ouch das jüngste gericht verneinen / oder vernüthen werdend / als ob es ein luterer fabel sye / daß vnser Herr Christus zum gericht / vff den letzten tag / kommen werde. Dann sy verneinen werdend / wie alle zyt dahar / ein wält gewesen / in welcher andere abgestorben / andere aber widerumb worden / item hekund güte / dann böse zytten gesyn / also werde es ouch fürhin in dieser wält ewig behoben vnd bestan. Weliche falsche vñ schädliche meinung / der sällig Apostel Petrus / mit güten gründen / im 3. Cap. der anderen Epistel / vntersucht. Es hat ouch Paulus von dieser letzten verrüchten wält klaar vnd vil geweyssaget / in der 2. Epistel zum Timoth. am 3. Cap. hie mit nott von wort zu wort zu erzellen. Dan by den worten vnd thaaten / das ist / by den menschen so diser zyt lebend / ersarend wir ein vnd alle stund / daß förmliche wyssagungen der heiligen Apostlen zum teil erfüllt sind / zum teil aber noch täglich erfüllt werdend. Desßhalben wir nit bedörffend vff andere vns nachuolgenden zytten zu lügen / als ob vns diese ding alle nit angangind. Dann eigentlich gaud sy vns an.

Der jüng-
sten tag vñ
der wält
vnd kumpt
eigentlich.

Hinwiderumb aber habend alle Gottes diener
vnd

Des Jüngsten tags.

6

Vnd rächthaltende gloubt/bekennit / vnnnd bezüget /
 von ne wälten har / daß der wält end kommen / vnd
 das jüingste gericht gewüß warlich vnd eigentlich
 syn werde. Der heilig Apostel Judas Thaddeus /
 der säligen Apostlen Simons vnnnd Jacobi des
 mynderen brüder / bringt in jner epistel herfür die
 zügnuß des vralte säligen Patriarchen Enochs / Enoch.
 welcher lang vor dem Sündfluß / vnnnd den jnten
 Noe gelobt hat / vnd spricht / Sich der Herz kumpt
 mit tusend siner heiligen (englen) daß er gericht hal
 te / wider nederman / vnd straaffe alle gottlosen / al
 ler jrer thaten halben / die sy gottloslich begangen /
 vnd von wägen aller hertikeit / welche die rouwen
 sündler wider in geredt habend. Dann ouch Pau
 lus / als er zu Athen geprediget / hetter gesprochen Act. 17.
 hatt / Gott hat die vnwüßsenheit der wält bißhar
 lassen für gon / nun aber vermanet er alle mensche
 allenthalben / daß menglich büß thüne. Dann er
 hat ein tag bestimpt / vff welchen er wirdt den gan
 zen vmbreiß der wält / mit gerächtigkeit / richten /
 vnd daß durch den bestelten richter / Jesum Chri
 stum / welchen er 1 ferweckt hat von todten. Ober
 das alles hatt vilernempter vnser Herr Jesus
 Christus / in dem heiligen Euangelio / vilfaltig be
 züget / daß er kommen werde / im end der wält / zu
 richten die läbenden vnd todten. Ja er hatt in diser
 handlung ein so ernsthauffte vnd träffenliche bezü
 gung vnd versicherung / als in keiner anderen / ge
 brucht / vnnnd gesprochen / Warlich sag ich üch / Es
 wirdt diß geschlacht nit ab gon / biß dises alles be. Mat. 24.

Von fröud vnd leyd

schicht. Himmel vnd erden werdend zergon / aber
mine wort werdend nit zergon. Deshalben ist di-
ses leyst gericht daß von dem Herren selbs / im end
der wält sol gehalten werden / gefasset in die artickel
des waren altē vngewissleten Christenlichen glou-
bens / in welchen wir von vnserem Herren Jesu
Christo bekennend / daß er von himmelen kommet
werde / zu richten die lebenden vnd todten.

Daß die stund der zükunfft des
Herren zum gericht / vnbeant / doch
die zükunfft gewüß sye.

Desömlicher gewüßer erwysung daß der
Züngste tag syn / vnd der wält end vngew-
zisset kommen werde / sagend etliche
spisfündige / die wenl dan d Züngste tag
so gewüß / als ir sagend / kommen wirdt / so zeige
man vns an / zyt / tag / vnd stund / vff welche der
Herz kommen / vnd sich alles werde enden? Dar-
uff antwortet der Herz selbs / im Euangelio / vnd
spricht / Von dem tag aber vnd der stund / weißt
nieman / ouch die Engel nit / die im himmel sind /
noch der Sun selbs / sonder der Vatter allein. Der
halben gebürt keinem gläubigen vff erden / tag vnd
stund des Züngsten tags vñ gerichtis zu forschen.
Doch macht sömlichis des Herren tag nit dester
vngewüßer / so wenig als daß wir die stund vnser
todts nit wüßend / darumb volge / daß wir nit wer-
dind sterben. Dann wie nit vngewüßers ist dann
die

Mar. 13.

des Jüngsten tags.

7

Die stund vnser tods / also ist nüt gewüßers dann vnser tod. Glyncher gestalt ist ouch nüt gewüßers dann der erste tag des gerichtes des Herren / welches stund vns aber aller dingen verborgen ist.

Darum ist vnnüt fräuen / ja dem heiligen E-
uangelio zu wider / deren torächtigs vßzirekten cal-
culieren vnd rächnen / welche den tag des Herren /
als mit dem finger an einer tafelen / zeigend / vnd
sprachend / Er werde kommen in dem jar Christi
1646. Andere aber zeigend das jar Christi 1656.
ouch das im 1672. vnd widerumb das jar 1688.
Das doch glynch ouch zwoyfelhafftig vnd nüt ge-
wüßes ist / dieweyl ire rächnungen weder zamen
stimmen / noch ein einigs gewüßes jar / ich ge-
schwaegen tag vñ stund / ernamsen weder wüßens
noch könnend.

Fressel der
die das ja
des jüngst
tags zeigē

Das aber die wält nun me lang gestanden /
vnd vil gläubiger lüt des letzten tags eigentlich ge-
wartet / den sy doch nit erläbt habend. Ja Grego-
rius vnd andere mer vermeint / die doch vor vil
hundert jaren abgestorben sind / daß der jüngste
tag grad zu iren zytten vor handen vnd fünfftig
wäre / welches inen aber gefält hat : daruß volget
darumb nit / daß er nit komen oder vßblyben wer-
de / es volget aber vil me / daß dieweyl die vor so vil
hundert jaren sinen gewartet habend / daß wir he-
kund sin noch vil me vñ gewüßer warten söllind /
als der vns vil näher ist / dann inen. Vnd so sy dar-
uff gewachtet habend / vil mee söllind wir vnser
höupter vßheben / wachen vnd sinen warten.

Von frönd vnd leyd

Der ver-
zug dienet
zur besse-
rung.

Hörend vil me was berichts hierüber vns der heilig Apostel Petrus gipt / vnd spricht / Eins aber wil ich üch vnuerhalten haben / ir fründgeliebten / daß ein tag vor dem Herren ist / wie tusend jar / vñ tusend jar / wie ein tag. Der Herr verzücht sin verheissung nit / als etlich den verzug achtend / sonder er ist dultmütig gägen vns / als der nit wil / daß niemands verloren werde / sonder sich yederman besere. 2. Pet. 3. vñnd hierzū dienet ouch das in der Offenbarung Johannis am 6. cap. also beschriben ist / Vnd do das fünffte sigel vffgethon / hab ich vnder dem altar gesehen die seelen deren / die getödt warend von wägen des wort Gottes / vñnd vmb der zügnuß willen die sy hattend. Vñnd sy schrewend mit lyter stim / vnd sprachend / Wie lang / O Herr / der du heilig vñnd warhafft bist / richtest vnd richst du nit vnser blüt / an denen die vff erden wonend? Vñnd es ward einer yeden ein wysses kleid gäben. Vnd es ist zū inen gesagt worden / daß sy noch ein kleine zyt (merck daß ein kleine zyt) rüwen söltind / biß daß erfüllte würdind ire mitknecht vnd brüder / die ouch noch söltind ertödt werden / glich wie sy. Darumb wie der Herr in sinem abscheid von sinen jüngerem / als er zū himmel für / zū inen sprach / Es gebürt üch nit zū wüssen die zytten vñ die puncten od gelägenheiten der zytten / welche der Vatter in sinem selbs eignen gewalt vorbehalten hatt / hienäben sy aber vff das wyßt / daß er inen gebotten vnd empfolhen hat zū thun / daß sy das selb thätind / wie ers inen zū thun besolhen. Also

Also sollend ouch wir nit nach gründen der stund
vnd dem tag der letzten zükunfft / sonder die weyl
wir vß sinem wort gründlich wüßend / daß er kom
men wirt eigentlich / vnd der stund da wirs nit mei
nend / so sollend wir im thun / alle zyt / wie er vns
gebotten hat / wachen vnd bätten / ꝛc.

Von allerley zeichen die deß Jüng
sten tag vorgan / vnd die gläubigen
zū wachen vsmustern werdend.

Wie aber vnser Herr vnd Gott mit gä
gen dem menschlichen geschlecht ver
sumpt / also hatt er alles in diser sache
ouch wol vnd süßig verfaben / vnd
vns etliche zeichen anzeigt / vñ darby gesagt / wenn
die selben beschähend / daß wir by inen abnehmen
söllind / daß deß Herren tag nit me feer sye. Dann
er spricht im heiligen Euangelio / Lernend ein ge
lychnuß by dem sygenboum / wenn sine zwenig he
rund safftig sind / vnd er die bollen wirfft vnd das
loub herfür wachst / so wüßend jr daß der Sum
mer nach ist. Also wenn jr ouch alles dises sähend /
so wüßend daß er nach vor der thüren ist.

Matt. 24.

Vnd hie wil ich menschlichen gewarnet haben
vor den merlinen vnd fabelbücherey / vnder weli
chen ouch der Seelen wurkgartē eins ist. Dan in
selben werdend 15. zeichen benamsset / vnd die men
schen / vff andere zeichen / dann vff die / die vns der
Herr im Euangelio zeigt vnd gaben hat / gewisen.

Das falsche
zeiche so r
etliche dem
jüngste tag
fürgesetzt
werdend.

Von fröud vnd leyd

Glych wie sy ouch den Endchristē anderschwo zehgend / vnd in vil anders beschrybēd / dan das göttlich wort thut oder vermag / lüt der zügnussen Danielis / Joannis vnd Pauli. Dardurch geschicht aber / daß so man vff die selben erdichten phantasten sicht vñ wartet / mitthin zu das weder merckf noch verstadt / daß vns das wort Gottes fürhalt / vnd daß nekund schon in mitten vnder vns ist erfüllt wirt vnd fürgadt / ja eben das ist / daruff man noch wartet / vnd aber nit für das selb halt. Die heilig geschrifft zeigt vns den Messiam aller wyß vñ gestalt / wie sich vnser Herz Christus / der d' waare einig Messias ist / als er in die wält kommen / dargestellt vñd erzeigt hat . Die Juden aber bildend inen selbs yn / vß der Tradition falscher leereren / vil ein anderen Messiam / dann er aber in der warheit was / vnd in die göttlich geschrifft der propheeten anzeigt. Darum namend sy den rächten Messiam vnseren Herren Jesum nit an / sonder veruolgend vnd crükigetend in / vnd veruolgend in noch / vñd wartend immerdar vff iren falschen phantasten oder inen selbs falsch yngebildeten Messiam / der niemen ist / vñd nimmer kommen wirt. Aller dingen beschicht nekund ouch in den letzten zytten mit dem Widerchristen / welichen vil lüt vereerend / im gloubend vnd dienend / als dem Statthalter Christi / vnd der allen gewalt im himmel vnd vff erden habe . Vñd so man disen sagt / das sye der Widerchrist / gloubend sy das nit / vnd veruolgend die sömlichs / warnungs wyß / inen
anbei

Sie züküfft
Messie.

Sie züküfft
des Ende
christen.

anzeigend / ja wartend weißwan eins andren End
christen / der von vnd vß dem stammem Dan solle
geboren werden / hinder Babylon herfür komen /
vnd dritthalb jar regieren / etc. Welicher aber nie
man ist / nit kompt / noch immermer kommen wirt /
von welchem ouch die heilig geschrifft / der gestalt /
nit redt noch wyssaget. Damit aber wirt ein gross
volck / vnd insonders einfaltige lüt / versumpt vnd
vßgehalten / ja abgewendt von der warheit / das sy
durch fahlen in der vnwarheit verstrickt blybend.

Die fürnemmen zeichen aber die vns der Herz
selbs zeigt / als die / dem end der wält / vnd dē jünge
sten gericht vorgon sollend / wil ich hie furk ein an
deren nach / vß des Herren wort selbs / erzellen / zu
trüwer warnung vnd gutem bericht der glöubi
gen / wenn ich züuor verantwortet hab deren gä
genwurff / die hie sprächend / Die zeichen so der
Herz im Euangelio erzelt / vnd die ich hie anziehe
oder mälde / dienind dem vndergang der statt Je
rusalem vnd der verwerffung vnd zerströuwung
des Jüdischen volcks vnd nit dem end der wält
vnd jüingsten tag / etc. Da zwaren wol waar ist das
der Herz Matthei am 24. vnd by den anderen E
uangelisten ouch redt von der zerstörung Hieru
salems vnd von der zerströuwung des Jüdischen
volcks / doch sin red dermassen für / dz etlichs wol
dient dem Jüdischen volck vnd irem vndergang /
doch mitthinzü ouch geredt ist vnd verstanden sol
werden / von dem end der wält vnd der zükunfft
des Herren zü dem jüingsten gericht : wie das des

Woruff
die zeichen
im Euange
lio Mat
thei am 24.
däind.

Von fröud vnd leyd

Herren wort auch dem büchstaben nach/heiter zügäbend. Es was by dem Jüdischen volck vngläublich vnd düchte es ganz vnmüglich/das Hierusalem zerstört / vñ dz volck Gottes solte verworffen vñ zerströwet werde. Der Herz aber wissaget inē hie/ das es gewüßlich werde beschähē / wid alle ire vermütung. Vnd grad in dise wissagüg fasset er auch das end der wält/ vñnd sin zütunfft zum gericht/das ob glych wol auch in der letzten wält lüt syn wurdind/ by denen das auch werde vngläublich vnd vnmüglich geachtet / das der wält end vñ der richter zum gericht kommen werde/das die selben ansahind den gewüßten vndergang Hierusalems/vnd erfüllung alles des / das sy vnmüglich bedücht vñnd der Herz aber vorgefagt/das es beschähē werde/vnd by dem selben abnāmind / das auch gewüßlich alles das er darby von dem end der wält vnd jüngsten gericht gewissaget habe / ohne allen zwysel auch kommen vnd erfüllt solle werden. Das also vñnd zum teil des volcks Gottes sampt Statt vnd Land vndergang / ein anbildüg ist des vndergangs aller diser wält vnd gewüßten letzten gericht. Deshalben die zeichē die der Herz im Euangelio erzelt / so der zerstörung Hierusalems zum teil vorgegangen/ rächt vnd wol auch den letzten zytē/ wie hernach volget/geeignet werdēd.

Er werr
dend sagen
ich bin Chri
stus.

Zum ersten sagt vnser Herz Christus/ das vil versürer werdind vffstan/die vil lüten werdind versüren/ vnd sürgäben sy sygind Christus/ das ist/ das werdind sy inen selbs zügäben/ das aber Chri
sti

Christi allein ist. Christi allein ist / daß im gäben ist aller
 gewalt im himmel vnd vff erden / vnd daß er das
 haupt der kyrchen / vnd einiger ewiger heiland ist
 aller gläubigen / welcher der künig vnd oberist prie
 ster / die schlüssel des todts vnd der hellen hat / ꝛc.
 Dargegen aber ist kund vnd offenbar aller diser
 wält / wer sich nun lange zyt vfgeworffen vnd vß
 gäben habe / für das haupt der kyrchen / für den obe
 risten priester / vnd statthalter Christi selbs / der
 die schlüssel / das ist allen gwalt in himmel vnd vff
 erden habe / vnd in welches gehorsame allein stan
 de das heil aller gläubigen aller diser wält / ꝛc. We
 liches alles grewenlich ist zu hören / vnd aber nüt
 destminder alles heiter den Päpsten zu Rom zu
 gäben vnd geeignet wirdt.

Wol redt der Herz anderschwo von den schlüs
 len / die er den Apostlen allen gemein / ja allen die
 neren seiner kyrchen gegäben hat. Die selben aber
 sind nit der allmächtig oder vollkommen gewalt /
 wie sy sagend plenitudo potestatis, vel plena po
 restas / sonder allein der dienst seines heiligen worts /
 welches er beuolhen zu predigen / das ist / in sinem
 namen den gläubigen verkünden vnd verheissen
 gewisse vnd sichere verzyhung der sünden vnd
 das ewig läben. Solichen dienst in der kyrchen ha
 bend zügleich alle diener der kyrchen / welche ouch
 diener vnd nit oberherren / gewalthaber vnd für
 sten sind / empfangen: wie Paulus ganz vßtru
 ckenlich spricht / wir wöllend nit herrschen über i
 weren glouben / sonder mithälffer syn iwerer fröu

Die schlüs
 sel zu himm
 melreich.

2. Corin. 13
 1. Cor. 4

Von freud vnd leyd

Apocal. 3.

Isaie 48.
Mar. 2.

den. Vnnd darfür halte vns yederman/namlich/
für diener Christi/vnd hushalter über die geheim-
nissen Gottes/2c. Den vollkommenen gewalt hat vn-
ser Herz Christus noch / vnnd hatt in vff erden
niemandts gäben/wie geschriben stadt/ Das sagt
der heilig warhafftig/ der da hat den schlüssel Da-
uids/ der vsthüt vnd nieman beschlisset / vnnd der
zuschlisset/vnd nieman vsthüt/ 2c. So ist vstru-
ckenlich vnd vilfaltig in Gottes wort bezüget/das
niemand die sünd/onet Gott allein / verzicht oder
vergibt. Dannen gemeinlich von den rächtgeschaf-
ten leereren einhällig gesagt worden / Deus pote-
state remittit peccata, minister ministerialiter.
Gott verzicht die sünd vß eigenem gewalt/ der die-
ner aber dienstlicher wyß / mit verkündē göttlichs
worts / vnd daß er dem gläubigen in krafft göttli-
cher zusag/vnd deß gloubens/verzyhung der sün-
den/in Christo/ vnd das ewig läben verkündt vnd
gewüßlich vnnd eigentlich zusagt. So schrybt der
heilig Apostel Paulus so krefftig von dem ober-
sten/einigen/ewigen priesterthumb Christi/ in der
Epistel zu den Hebreern / vnd von dem haupt der
kyrchen / vnnd was da sye das haupt der kyrchen
syn/zü den Epheseren am 1. 4. vnd 5. cap. daß sich
niemand wirdt gedören für das haupt der kyrchen
vnnd obristen priester vßgäben vnnd fürstellen/er
wölle sich dann ouch ein Endchristen billich schäl-
ten vnnd anlagen lassen. Hiehar dienet ouch die
gar groß vnd erschrockenlich verführung Macho-
mets/welcher jm selbs ouch hat zugeeignet das vn-
fers

fers Herren Christi allein ist / 2c. Vnd hie gäbend
wir aber aller diser wält zü erwägen / ob dises erst
zeichen / nunner vnd zü diser vnser letzten zyt / nit
sne vollkommenlich erfüllt. So warte vnd gedän-
cke deshalben herynd ein yeder / in warem gloubē
vnd hoffnung / was bald werde dem nachuolgen.

Vnd hiehar dienet / daß der Herz wyter spricht /
Es werdind vil falscher propheten vferstan vund
vil lüten verführen. Falsche propheten sind falsche
prediger / das ist / sömliche prediger / die falsche leer
ynführend / vnd damit die lüt betriegend. Falsche
leer aber ist alle die / die nit nach der regel des glou-
bens vund der liebe gericht noch vß dem warhaff-
ten wort Gottes beider testamenten / genommen /
sonder wider die heiligen geschriffte / vß der menschē
angäben oder gütduncken vnd ansächtungen / ge-
staltet ist. Deren ein besonder byspil vom Herzer
selbs an zogen wirt. Dann ob glych wol vil falscher
propheten hievor zü alten znten gewesen / vnder we-
lichen nit die geringestē gesyn / welche die gottheit
vnd menschheit Christi verlougnēt / die einig per-
son Christi zertrennt / vnd beide naturen in Chri-
sto vndereinanderen vermengt / vund abgethon /
ouch die gnaad Gottes verdüncklet / vnd mit men-
schlichem verdienst vßgehept / vund insonders daß
der verflucht Machomet / allen vnradt aller fäke-
renen in ein cloacam vnd mistwürffe sines gotts-
lesterischen Alcorans zamen gesamlet / vnd die all-
samt vund sonders / verführung vnd verderbung
in die wält yngeführt habend / so gibt doch der Herz

Falschepropheten.

Machomet.

Von fröud vnd leyd

einbesonders byspil falscher prophecey diser vnser
letzen zyt / vnd spricht / Darumb wenn sy üch sa-
gen werdend / Sich hie ist Christus / oder dort / sich
er ist in der wüste / so gond nit hinuß / Sich er ist
in den verschloßnen ghalteren / so glaubends nit.
Wer nun Christum hie vnd dort zeige / ist allen de-
nen fundt / die nit verbländte sinn habend. Oder
wirdt Christus vnd die waar sälligkeit nit als mit
dem finger gezeigt in wildinen / wallferten / in ver-
schloßnen klösteren *in τοῖς ταμείοις*, in ciborijs, schry-
nen vnd verschloßnen gehalten? Wirdt nit über
vil der Sacramenthüßlinen geschriben / Hic De-
um adora. Hie bätt Gott an? Was sagt aber der
Herz darzü? Gond nit hinuß. Gloubēds nit. Ich
habs üch vorgezagt. Setz ouch glich daruff war-
umb wir nit glouben söllind / daß Christus hie vff
erden yngeschlossen sye. Dann glich wie der blizg
vßgadt von vßgang / vnd schynt biß zum Nider-
gang / also wirdt ouch syn die zükunfft des Sunß
des menschen. Mit welchen Worten der Herz be-
züget / daß nach dem er in himmel vßgefaren ist /
vnd sitzt zu der gerächten des Vatters / nit werde
hieniden vff erden heimlicher vnd verborzner (wir
redend hie nit von der geistlichen) wyß sich vnder
den menschen / in gehalten finden lassen / sonder
gar herzlicher wyß werde er widerumb kommen
zu richten die läbenden vnd todten.

Wie 8 hei-
lig Petrus
die falsche
propheeten
beschreibe.

Der heilig Apostel Petrus setz auch ein byspil
falscher prophecey oder leer diser letzen zyt / vnd
spricht / Es warend aber ouch falsche propheeten
vnder

Vnder dem volck / wie ouch vnder ouch falsche leerer
 sin werdend / die da werdend verderblich Secten
 näben hinführen / also ouch / das sy den Herren ver-
 loughend / der sy erkoufft hat / vnd werdend ein-
 schnell verderben über sich selbs führen. Vnd es
 werdend vil irem verderben nachvolgen. Durch
 welche der wäg der waarheit wirt verleseret wer-
 den. Vnd sy werdend durch den gnt mit erdichten
 worten an ouch kouffmanschas triben 2. Petri. 2.
 Welche nun dz alles noch hüt by tag übind / nam-
 lich verderblich Secten oder Orden näben der Chri-
 stenlichen religion hinführend / vnd vffrichtend / vñ
 den Herrē an dem fürnemlich verloughend / das
 er sy theür mit sinem blüt vnd todt erkoufft / da
 sy sömliche erlösung vnd bezalung andern iren
 erdachten mittlen vñ gnügthünungen zügabend /
 vnd hie den wäg der waarheit / namlich die Euan-
 gelisch leer / übel verleserend vnd der käsern bezich-
 rigend: ouch über dz alles erst kouffmanschas oder
 krämern in der kirchen vffrichtend / vnd mit erdich-
 tem ablaß vnd anderem der glychen plunder den
 sy feyl tragend groß güte vffnemend / ja welche alle
 dise vnd deren glychen stücken noch vil me übind /
 sind befandter dan vil benamens bedörffe. Wie
 vil dan irem verderben nachvolgend / ist zwaren
 vil me zu beklagen dan zu erzellen.

Des glychen gibt ouch Paulus byspil gedach-
 ter falscher propheet / vñ spricht vnuerholen / Der
 geist aber sagt öffentlich / das in letzten znten / etli-
 che werdend vom glauben abträtten / vnd den ver-

Pauli leer
 von dē fal-
 schen pro-
 pheten

Von fröud vnd leyd

fürischen geisten anhangen / vñ den leeren der tüff
len / durch die glychfurnern der lugnern / die ir ge
wüssen mit brandmalen bezeichnet habend: welche
verbietend Selich zu werden / vnd zu mynde die spy
sen die Gott erschaffen hat / mit dancksagen zu nies
sen den gläubigen / 2c. Timoth. 4. Wo nun vnd by
welchen diese propheey hüt zum tag erfüllt werde /
darff gar nit weder zügnus noch erläuterens. Dañ
die Montanisten / Manicheier / Tacianer vñ En
cratiten / habend die heiligen ee geleseret vnd spy
sen als vngüt geschulten / Gregorius aber der 7.
des namens vnd andere sünz gelynchen / habend sy
wol nit geschulten / aber nit desminder den men
schen verbotten. Also erläuteret die Heilig geschrifte
sich selbs / vnd bericht vns grundtlich vnd volkom
men was wir verstou sollind durch falsche prophe
ten vnd falsche propheey.

Wunder
zeichen

Demnach sagt der Herr noch me im heiligen
Euangelio / daß diese falsche prophetē werdend gros
se zeychen vñ wunder thün / das ist / by iren leer
werdend der massen wunder vnd zeychen beschä
hen / das so es möglich were / die vßerwelten dar
durch söltend verfürert werden. Sömlische zeychen
aber nempt der heilig Apostel Paulus 2. Thess. 2.
Eugenhaftige kräfte / wunder zeychen vñ verfür
nussen der vngerechtigkeit. Dañ sy beuestnend die
vorermelden falschen leeren / vñ vñ fñrend ab / von
der Euangelischen waarheit vnd gerächtigkeit / ja
von Christo zu den creature / von dem Herren zu
den dienern / welche man vereeret anbätet vñ
anrüfft

anrufft / diewyl gloubt wirt / das vorgemelte zeichen von men dorum beschähen syend / das sy damit bezügend / das syhelffen mögind / vnd wöllind euch / das man sy anbätte vnd anruffe. Welches aber strydet wider den hauptgrund vnser waaren religion / der da ist / das allein Gott solle anbättet / vnd durch den einigen mittler vnd fürbitter Jesum Christum angerufft werden. Gott aber laße sömliche falsche zeichen beschähen / wie Paulus heiter spricht / zur straaß der vngheorsamen. Dañ diewyl der rächten zeichen Christi / in Euangelio / vnd durch sine Apostel / so vil beschähen / welche alle der waaren leer zügnuß gäbend / vnd allein zu Gott durch Christum den einigen Heiland wysend / die menschen aber der letzten zyt / sich deren nit vernüaen lassend / sunder sich zu den creaturen oder geschöpfften wendend / vnd die mee dann den schöpffer vereerend / sendt inen Gott ein krefftigen irrthum / wie Paulus spricht / das sy gloubed der lügen / vff das also alle die gestraafft werdind / die der waarheit nit gloubt. Vñ wiewol sömlicher wunderzeichen vil vñ grosse funden werdend / das sy by den vferichten bildnissen / zu denen die wält mit gangen scharen durch die wält hin wallet vnd fartet beschähend / spricht doch der Herr mit grossem ernst im Euangelio Marci / Hüttend aber irlich / *Mar. 13.* *Sihe ich hab es üch alles vorgefagt.*

Wnter sagt der Herr / ir werdend hören krieg vnd kriegs geschrey. Vnd wirt sich ein volck wider das ander erheben / vnd ein ryck wider das ander. *Krieg vnd kriegs geschrey*

W v

Von fröud vnd leyd

Vñ diewyl aber sömlich s mit so sträng zur zyt der
gerstörüg Hierusalents / sunder vil me zü der zyt /
als Rom nach den prophecien ouch solt zerrissen /
vnd jr herrligkeit in kaat geträtten werde / ouch zü
andern nachuolgender zytten / angangen vñnd be-
schähen ist / sagt der Herr darzü / vñ diß alles muß
beschähen / aber es ist noch nit so bald das end da.
Wiewol nun ettliche zyt har durch anstiffüg des
Wyssts / vnd groÿse maacht der Türggischen Kei-
sern / gar schwere krieg geführt / vñ ein volck über dz
ander fündlich gefallen ist / vñ noch falt / also ouch
das keine zytten verschynnend / in denen nit grewen-
liche kriegs geschrey gehöret werdind.

4
Pestilenz vñ
etheure.

Noch me sagt der Herr / es werdind ynfallen
pestilenzken / schwere krankheiten / darzü thüwre
mangel vnd grosser hunger. Welche raachen vnd
straaffen / ob sy glich wol im Hierosolimitanische
krieg / streng gesyn / vnd von alten har ouch vnder
dem volck gewesen / erfindt sich doch zü diser ellen-
den letzten zyt / dz dise raachen d wält seer beschwer-
lich obligend. Bid nit vnbillich / diewyl man das
alles mit einē gar rouwē gottlosen tollē vñ vollen
wüsten vnchristliche läbē / wol vñ Gott verdienet.

5
Erbidem
vñnd waf-
fers not.

Hie har dienet ouch das der Herr me vnd wo-
ter sagt / es werdind erbidem werden / darzü wer-
dind die wasser wüten rutschen vñnd überlauffen.
Welchs alles wir in diseren vnseren letzten zytten /
vilfaltig vñ ganz beschwerlich erfarend. Ob glich
wol nit an allē orten / zü mal / doch besunders kräft-
tig an fürnemmen orten / also das man darvon
an als

an allen ortē grewenlich redt / schribt vñ verkündt.

Also sind in Son vnd Mon / am gestirn vñnd ⁶ Zeichen an
 von himmel herab / kum̄ zu anderen zhten / als zu ^{Son vñnd}
 vnseren / grössere vnd wunderbarere / ouch meerere ^{Mon}
 zeychen beschāhen / vñnd gesichten gesāhen: darzu
 werdend noch täglich vñnd ye länger ye me wun-
 derbare gesichten gesāhen: wie dan̄ der Herr vorge-
 sagt hat / das vor seiner zūkunft zum gericht / be-
 schāhen werde.

Noch mer spricht der Herr / Vñnd es wirt das ⁷ Das Eua-
 Euangelium des ruchs geprediget werden in der ^{gelium muß}
 ganzen wält / zu einer zūgnuß allen völkern / vñnd ^{geprediges}
 dan̄ wirt das end kommen. Welche wort ouch wol ^{werden.}
 verstandē werdend / von dem / das ee dan̄ Hierusa-
 lem zerstört / zūvor das Euangelium solle vñ müsse
 geprediget werden / wie dan̄ Paulus zūget Coloss.
 1. vñnd 1. Timoth. 3. das es geschāhen sye / durch die
 ganzen wält. Doch nit minder ouch von dem / daß
 das Euangelium vor dem end der wält (wie ouch
 Apocal. im 14. cap. gesagt wirt) solle vñ müsse ge-
 prediget werdē / damit an dem gericht des Herren /
 der vñwüssenheit nieman sich beflagē möge. Vñnd
 also wirt die predig des heiligen Euangelii ein zūg-
 nuß allen völkern. Vñnd ist zwynfel on / das die
 Edel herrlich vñnd wunderbar kunst der Truckern / ¹⁴⁴⁰
 die vnsern vordern vnbeant / erst nekund vor hun-
 dert jaren durch Gott geoffenbaret worden / das
 glych wol one mundtlich predigen / das Euange-
 lium durch alle wält erschallet / vñnd es nieman
 verhindernen oder erweeren möchte / 2c. Insondere

Von fröud vnd leyd

Schwerre
veruolgan
gen.

heit aber wirt zu diser vnser letstē zyt / als nit bald
zu keiner andern / vollkōmenlich erfüllt / das der
Herr darzu gesagt / Ir werdend gefangen fürge-
stellt werden für Fürsten vnd Herren / vnd da ge-
schlagen / vnd by allen völcern verhasset werden /
von nunes namens wāgen / &c. Dann wie häfftig
der Fürzg die gläubigen veruolge / vnd der Pāpst
all sin macht / künst vnd vermōgen anwende / wie
starc vnd grusam die blütige brūmende Inqui-
sition an vilen orten wider alle die / die sich allein
des Euangelij haltend / vnd vs dē Bābylonischen
bācher nit trüncken wōllend / geübt werde / ist fundt
barer dan vil darvon zu reden sye.

Grosse er-
gernissen.

Hienāben spricht der Herr noch mer / vnd den
werdend sich vil ergern / vnd wirt ye einer den an-
deren verradten vñ hassen. Ye ein brüder wirt den
anderen in todt gāben / vnd der vatter den sun / vnd
die kinder werden sich wider ire eltern erheben vnd
sy zum todt bringen. Welchs alles abermalen zu
vnseren zytē so klar erfüllt wirt / als es ye zu kei-
ner andrē zytē erfüllt worden ist. Dan menzlich
weist was vneingkeit vs dem zwyspalt der reli-
gion genolget / vnd wie vō wāgen der vnglyche der
religion / so häfftig die gemüte der menschen / ouch
der nächst gefründeten vnablässlich vnd vnuer-
sūnlich an einandren setzend / damit dan ouch gros-
ser myd / haß vnd vffsak / vntrūw / verrädtern / tö-
den vñ mōrden mitlouffend. Darab sich vil lütē
vnd insonders die / so diser propheeten vnwüssend
sind vñ noch vil minder ernāssend / das der Herr
selbs

Zwyspalt
in der relig-
gion.

selbs gesprochen hat / er sye nit kommen in die wält
 friden / sunder das Schwert züsünden / gar übel
 verärgerend / also ouch das sy sich zü letst keiner re
 ligien eigentlich begäbend. Diewyl sy ouch hienä
 ben vō rächter Gott wol gefellinger einigkeit / ouch
 von rächter vrsachē der einigkeit oder vneinigkeit /
 nit rächt könnend vrtellen / vnd wenn sy gleich hie
 uon / ein güten bericht hörend / den selben wed für
 waar haltend / noch in annemend. Daruß dann
 endlich ein grosse verwirrung vnd verrüchte in
 sönlichen menschen volgt vnd volgen muß: wie
 man leider allenthalben sieht vnd erfart / vnd die sa
 chen diser wält ye länger ye ärger werdend. Gott
 köme den sinen zü hilff / 2c.

Matt. 10.

Vnd über das alles sagt der Herr noch meer /
 vnd diewyl die vngerächtigkeit wirt überhäd nem
 men / so wirdt die liebe in vilen erkalteten. Was aber
 da für ein wäsen sye / da die vngerächtigkeit hat
 oberhand genömen / beschrybt vns der Herr selbs
 durch sinen propheten Ezechiel / vnd spricht zum
 Propheten / Du menschen Sun / wilt du dise blü
 tige (das ist gar lasterhaffte vñ vngerächte) Stat
 nit straaßen? Halt iren für all ire gewel / vnd
 sprich / Du Statt die du blüt vergüßst / vñ dir Gō
 kē machest daß du dich verunreinigest. Nim war
 es habēd die obristen Israels / ein ned sinen eignen
 gewalt blüt zü vergiessen in dir gebrucht. In dir ha
 bend sy vatter vnd müter verachtet. In dir habēd
 sy den frömdling begwaltiget. In dir habēd sy wit
 wen vnd weysen beschwardt. Mein heiligthum hast

Die liebe
 erkaltet / die
 bosheit er
 höhet.

Von fröud vnd leyd

du verachtet / vnd mine Sabbath hast du entheilt
get. Verrädter sind in dir / deshalb blüt vergossen
wird. Vnd die vff den bergen ässend habend in dir
fräffel begangē. In dir habē sy deßvatters scham
entdeckt. Die francken frouwen habend sy in dir
geschwecht. Ein yeder ist schädlich mit seines näch
sten wyb vngangen. Vnd hat sin eigne sunsfrou
wen mit fräffel beschissen. Es hat in dir ein yeder
sin Schwester sins vatters dochter benotzoget. Mā
hat in dir gaben genomēn blüt zu vergiessen. Du
hast wücher vnd übernuß genomēn / vnd din näch
sten mit gwalt verurteilt vnd min darby vergas
sen / spricht d' Herr Gott. Sich ich habe mine händ
über dich zamen klopfet vnd gezückt über din gyt /
den du getriben hast / vnd über das blütvergiesen
das in dir beschäheit ist. Vnd was wyter im Pro
pheten am 22. cap. volget. Dise wört Gottes halt
ein yeder gāgen vnsern zytē / vnd erwäge eigent
lich was nekund in der wält für gange / vnd was
der wält louff / sitten / brüch vnd wāsen sye / so wird
er finden / das allerdingen / wenig vßgesetzt / die vn
gerächtigkeit in allen stückē in diser wält ouch gly
cher gestalt überhänd genomēn hat / das deshalb
ben nun me kein wunder ist / das die liebe int vilen
erfaltet / ja erlöschē ist. Doch wie dem allem / weißt
man doch ouch wol das Gott sin kyrchen vnd hei
ligen ouch durch die gankē wält hat / welcher ich hie
zu nachtheil nüt wil geredt habē : danckē Gott das
er dise rosen vnder den dörnen erhaltet / vnd redet
wyter von der unreinē wält. Da besähe man nun
by dem

by den Worten vnd wercken diser letzten wält / was
 liebe gägen Gott vnd dem äbenmenschen / in mer-
 teils lüten / erfunden werde / oder wie lieb die eltern
 iren kindern / oder die kinder iren eltern / itē wie lieb
 eins eemensch dem andern / in dem stand der heiliga-
 gen ee / sye / item die oberherren iren vnderthanen /
 oder die vnderthanen iren obern / item wie lieb die
 dienst ire herrē habind / oder wie lieb die dienst iren
 herren syend. Da wirt sich / leider / finden alle vnt-
 trüw / aller vorteil / alle verachtung vnd vngeräch-
 tigkeit. Deshalben der Herr ouch anderschwo im
 Euangelio gesprochen hat / Wenn der Sündes
 menschen kommen wirt / wirt er ouch glauben fin-
 den vff erdē? Dañ weñ du dise wort verstaast von
 dem gloubē der religion / wie vil zwyspalts ist doch
 diser zyt in der religion? Einer ist ein Christ / der
 ander ein Jud / diser ein Türgg / da glych dañ über
 das alles / yede noch ire Secten darzū habend. Vñ
 die sich glychwol einer religion zūthünd / haltend
 sich doch darin̄ übel vnd vnordenlich. Verstast du
 dañ des Herren wort von burgerlicher vnd landt-
 licher oder politischer trüw waarheit vnd glauben /
 die alle menschen an einandren billich haltend vnd
 leistend / vnd ye eins gägen dem andern sin pflicht
 vnd schuld trüwlich thün sol / als die oberherren gä-
 gen den vnderthanen / hinwiderum̄ die vndertha-
 oen gägen iren oberherren / etc. wirt / leider / d̄ trüw
 vñnd gloubens so wenig funden / das es vor Gott
 vnd allen creaturen ein grewel ist. Wie falsch be-
 trugensich vñnd verlogen ist doch mer teils diser

Der gloubē
 in der wält
 erlöschens

Von fröud vnd leyd

wält? Was sy zusagt / ist nüt / vnd kan niemā nüt daruff setzen / man wölle dann Ja für Nein / vnd Nein für Ja verstan. Was grosser vnusßsprächelicher vnendlicher vntrüw / vorteils / gewalts vnd vnuerschampter schädlicher vngerächtigkeit wirt diser zyt gebrecht in den gewerben / mit wücher vñ finanszen / das sömlichs zwaren nit gwerb / sunder luter betrüg vnd beschiß söltend genempt werden? Ist aber dises vnradts / diser zyt / mit alle dise wält griglet voll? Oder klagt darüber nit alle tag / alle erbarkeit? Vnd volgt doch nüt deßminder wenig vndertrucken diser grossen vnd grewenlichen vngerächtigkeit. Vnd sind in diser schuld fürnemlich die gewaltigen vnd rycken begryffen / vnd vff ire gattung die armen nit ledig noch aller dingen vnschuldig. Dorum ist frylich erfüllt vnd wirt täglich erfüllt die wyssagung vnser Herr Christi von dem das vor dem Jüngsten tag vñ gericht die vngerächtigkeit wirt nemmen überhand / vnd die liebe in vilen erkalten / darzu wenig gloubens vff erdrich nie funden werden / vñ hab dennoch von dem nüt hie geredt / das by vilen wenig liebe durch das mitteilen deß allmüßens gägen rächt armen lüten sich erzeigt / zc.

10
Die zyt
Noe vnd
Loth.

Vnd noch heiterer stellt der Herr harsfür diser vnser letsten wält bosheit / verachtung / verrüchte / vnd sicherheit in allen lastern / insonders deß überflusses in frassen vnd sussen / vnd thut das krefftiglich mit byspilen / vnd spricht / Vnd wie es zu den zytē Noe ergangē ist / also wirts ouch gan zu der zyt

zyt des menschen Sins / sy assend / sy trunckend /
 sy mañetend / sy wybetend / bis vff den tag do Noe
 in die arch gangen / vnd der Sündflus kömen ist /
 vnd sy all hat vñbracht. Desselben glichen auch /
 wie es ergangē ist zu den zytē Loths / sy assend / sy
 trunckend / sy kouffend vnd verkouffend / sy pflait
 ketend / sy buwtend. An dem tag aber / do Loth ist
 hinuß zogen vß Sodoma / do hat es schür vñ schwe
 bel von himel gerägnēt. Glicher gestalt wirt auch
 der tag syn / an welchem des mensche Sun sol geof
 fenbaret werden. Nun ist das zwaren nit daruf ge
 redt / dz ässen vñ trincken / die Ee beziehē / kouffen od
 verkouffen / pflāken od buwen / sünd sye. Dan alle
 dise ding an vil andn ortē göttlichs worts / vō Her
 ren zūgelassen oder erloubt / ja zum teil auch geheis
 sen sünd / das sy mögind vnd sollind gebrecht wer
 den / ja noch sinem wort / wie Paulus geleert vnd
 gesprochen / Die zyt hte ist kurz / vnd ist nun das ü
 berig / daß die da wyber habend / syend als hättend
 sy keine / vnd die da weinend / als weinetind sy nit /
 vnd die sich frōuwēd / als frōuwotind sy sich nit / vñ
 die da kouffend als behieltind sy es nit / vnd die dise
 wält gebrechend / als bruchtind sy sy nit. Dan die
 gestalt der wält vergadt / 1. Corinth. 7. Doruñ
 sol in obgemelten stucken / vom Herren erzelt / ver
 standen werden / die vñmaas / vñ so man sün / mit
 vñnd herk allein vff sömliche zytliche ding one alle
 gottsforch setz. Dan sünd vnd vñrächt ist s / weñ
 wir vff ermelte vnd alle andere zytliche ding des
 massen vnser sün vnd gmüt / thün vñnd lassen / se

Rächtee
 bruch d zyt
 lichen dino
 gen od gü
 tern.

Ⓔ

Von fröud vnd leyd

hend / das wir nüt anders / dan nun sy sündend / sü-
chend / liebend / herzlich begärend vnd darnach
mit allem vnserm vermögen stellend / also das
wenn vns glichwol sömlichs / mit dem wort Got-
tes / gewerdt / vnd Gottes zorn getröwt wirt / wir
nüt destminder one alle Gottsforcht / in vnserem
fleischlichen ja vihische wäsen / fürfarē / die war-
nung vnd straaff verachtend / vnd vns in vnserem
verrücktem wäsen sicherheit verheissend / vnd sa-
gend / Es habe kein nodt / vnd vns werde nüt arg
begegnen / die tröwungen der pfaffen syend fabler
vnd nydiger verbünstiger lüten giffzgallen. Der
Jüngste tag ist noch ferr / vnd weißt nieman ob
neißwan ein sömlicher tag kommen werde. Ertli-
che der alten habend sinen ouch etwan gewartet /
vnd ist doch noch nit kommen / wirt noch vnd für-
hin wol vßbliben. Darnumb lüg ein yeder zu seiner
sach / vnd nāme gute tag an diewyl sy im werden
mögend / zc. Vnd ein sömliche lychtferige sündige
frāffle vnd lasterhaffte / verrückte wält / was zu
den zytē Noe vnd Loth / derglychen findt man lei-
der yekund diser zyt / ein merckliche grosse anzahl /
welche / wie ouch Paulus vorgesagt / spricht / Es
ist frid vnd kein gefaar / zc.

Oberassen.
vnd über-
brincken.

Wie ist es doch zu diserem vnserm letzten zytē /
ein wüsts vihischs läben worden / in aller wält / by
merteils lüten / mit frāssen vñ mit süssen. Bil wer-
dend funden / die tag vnd nacht nüt anders sin-
nend vnd gedāncken / dan nun dem sündenden
buch nach / wie sy den mestind / welcher Gott
zwaren

zwaren allein der buch ist? Wie ist es in der wälte
 by jungen vnd alten/by allen ständen/ ein schandt
 lichs wäsen worden/nit nun mit füllen vnd trun-
 cken werden/sunder ouch mit bringen ja zwingert
 zu süssen/one alle nodt/ one end/one maas vñ one
 alle scham? Es sind von anfang der wält ouch ver-
 trunckne lüth funden worden / das aber gemein-
 lich/meerteils der wält so vertruncken so doll voll
 vñ vnflätig gewäsen sye / wie hehdan / dz wirst du
 nit finden. Vñ ist insonderheit damit disere vnser
 zyt/ glych den zytten Noe vnd Loth/das so gar kein
 weeren/ warnen vnd tröwen nit hilfft/ vñnd das
 man sicherlich one alle sorg in aller verrüchte für-
 fart. Zu den zytten Noe/halff nit nun nit Noes
 abmanen/ wie in dan Petrus nempt ein prediger 2. Pet. 2
 der gerächtigkeit / sunder nit bewegt sy der wun-
 derbar buw der arch oder schiffs Noe/da nit bald
 in der wält wunderbarer buw erfunden wirt/ vnd
 er billich sy solte zur besserung vnd zur nachtrach-
 tung des künfftigen Sündflusses bewegt haben.
 Zu den zytten Loth halff ouch nit Loths abmanen
 vñnd güter wandel. So halff nit/ das wenig jar
 vor dem vndergang Sodome/ Gott sy gestraaffe
 durch die 4 Orientalischen fürstē/die sy überzogē/
 geschlagē / überwundē vnd gefangen dahin fürted/
 doch von Gott gnädiglich durch Abrahamen er-
 löst/vnd widerum hngesest wurdend. Das alles
 bedachtend sy nit/ sunder sorgloß vñnd verrücht/
 fürend sy für in iren sünden vñnd schanden. Des
 würdēd sy gächlingen mit d' straff Gottes über-

Von fröud vnd leyd

fallen verbrent vnd versäncet / vnd zu ewigem
schand byspil vnd rächter Gottes raach exempel
gemacht. Glicher wyß hilfft ouch noch / hüt zum
tag nüt / by den verfräßenen / vertrunctnen vnd gy
tigen lüthen / in diser letsten wält / was joch Gott
sy abmanet vnd sine grichte inen vilfaltig für ou
gen stelt. Das alles wirt ouch verachtet vnd dar
zu verlachtet. Was kan dan fürhin anders daruff
volgen / dann wie der mund der waarheit gespro
chen hat? Sy tribend jr wys / biß vff den tag / da
Noe in die arch / vnd Loth vß Sodoma gieng / da
wurdend sy vnuersehenlich / vnd eins mals / mit
wasser vnd schein alle mit einandern verderbt. Al
so wirt es ouch gan / vff dē tag des Suns des men
schens / wenn er kommen wirt zu richten die läben
den vnd todten. Also hat ouch Paulus züget / vnd
gesprochen / Wenn sy werdend sagen / Es ist frid
vnd kein gfaar / den wirt sy überfallen ein vnuerfä
henlichs verderben : glich wie die kindts nödt ein
schwanger wyb / vnd sy werdend im nit entfliehen.

So vil sye vffs fürkist / in wytlouffiger sach ge
redt / von etlichen fürneimen zeichen / so zu nächst
dem gricht des Herren vorgau werdend. Vnd die
wyl sönliche alle so eigentlich erfüllt sind / vnd täg
lich erfüllt werdend / so ist by verständigen lüthen /
fürhin nüt gewüßers / dan das bald der tag des
Herren ouch nachuolgen werde. Vff welchen alle
gläubigen in waarem glouben vnd rächter hoff
nung wartend.

Trüwe

Trüwe warnung vnsers Herren
Jesu Christi / an alle menschen diser
letsten zyt / das sy wachind / vnd sich
selbs nit versumind.

Diewyl aber vnser Herr Jesus Christus
ein liebhaber ist des menschlichen ge-
schlächts / vnd desse heil / vnd nit vnheil /
von herken sucht vnd begärt / so thut er
im heiligen Euangelio / so trüwe warnungen an
die letsten ellenden wält / das nit herklischer / trü-
wers / noch flüssigers möchte funden noch ge-
wünscht werden. Vnd ist aller siner warnung / die-
ses die summa vnd rächter inhalt / das die sällig
zü werden begärind / sich vor diser letsten wält bö-
sem byspil hüten / vnd von jr verrüchte vnd fräffel
nit söllind verführen lassen / dargägen aber söllind
sy gesthessen wachen vnd ernstlich bätten / vnd also
vff des Herren zükunfft warten. Dan also spricht
er Marci 13 / Sähend zü / das jr wachind vnd bät-
tind. Dann jr wüßend nit wenn der Herr kumpt /
am abendt / oder zü mitternacht / gägen tag / oder
am morgen / vff das er nit so er vnuersähentlich
kumpt üch schlaffend finde. Wz ich aber üch sag /
das sag ich hederman / **W A C H E N D.**

Zü sömlicher siner ernsthaften leer / seht er et-
liche schöne fürpündige byspil / Erstlich eins huß-
vatters / welcher wenn er so vil / als wir / gewarnet
wäre / er / das ein dieb vnuersähentlich in der nacht
kommen / vnd in sin huß brächen werde / wir aber /

Hederman
sol wachen
vñ bätten.

Der was
chēd huß-
vatter.

Von fröud vnd leyd

Das vnser Herr Christus zum gericht ouch vnuer-
sahenlich kommen werde / so hätte der hufuatter
frylich gewacher trüwlich / damit im kein schad be-
gegne / darumb sollind ouch wir vnd vil me vff des
Herren tag wachen / das wir von im nit werdind
vnuersahenlich überfallen.

Zwen die-
ner eines
Herren.

Demnach stellt er vns für ein gar schön byspil /
von zweyen dienern / deren der ein gehorsam / flü-
sig vff seines Herren zükunfft gewartet. Der an-
der aber vngehorsam / vntrüw vnd vnflüsig / dar-
zū erst truncken vnd ein bocher vnd ein schlegler /
wider sine mittdiener gewesen / vnd darumb von si-
nem Herren vnuersahenlich überfallen / vnd als
ein verrädter zerhoben sye. Deshalbē wir alle wa-
chen vnd sorg haben sollind / damit vns vñ gly-
chen vnflüßes vnd mütwillens willen nit glyche
straaff widerfare.

Die X jüg-
frowen.

Wnter für er hernn ein seer liebliche parabel
von X jungfrowen / deren v gewäsen fürsichtig
vnd wachtbar / mit ampelen vnd öl / die andern v
aber dorächt vnd verschlaffen / die wol ampelen /
aber kein öl darin gehept habind. Derhalbē sy von
der hochzytlichen fröud in groß leid vnd jamer vß-
geschlossen syend. Darumb wir alle vns beflüßen
sollind / dz wir wns vñ verständig / vñ nit dorächt
syend / das wir wachtbar / vnd nit allein ampelen
one öl / das ist ein schyn des Christenen namens /
wie die dorächten v jungfrowen / sunder das wir
öl in ampelen habind / das ist rächten lüchtendeit
vnd würckenden läbendigen glauben. Durch den
wir

wir vff den Herren wachtbar wartind / vñ mit im
yngangind in die ewigen fröud vnd sälligkeit.

Item der Herr bringt noch härfür dreyerley
knächt oder diener / deren netlicher süne gaaben von
dem Herren empfangen / doch vnglych damit ge-
worben habind / insonderheit ien einer / der gar lie-
berlich gewäsen vnd mit vßgericht hat: darzü erst
fräch vñd verrücht: darum er ouch vom Herren
verstossen / die anderen aber ires slyßes gar rych-
lich vñd loblich syend belonet oder vereeret worden.

Dreyerley
knächt.

Wie dann glynchs am Jüngsten tag ouch beschä-
hen werde. Darumb wir alle wachen vñd sorg ha-
ben söllind / das wir mit dem wachtbaren trüwen
knächten ouch vereeret / vñd nit mit dem sulen vñd
müßen in ewige verdammuß verstossen werdind.
Da mag vñd sol aber ein yeder die kurtz von mir
hie vermeldet vermanung vnseres Herren Jesu
Christi noch der länge selbs zü besserem bericht vñ
krefftigerer bewegung läsen by dem heiligen Mat-
theo in dem heiligen Euangelio / Matthei 24.
vñd 25. cap.

Vñd über das alles redt der Herr noch me vñd
klärer zü gutem der letzten wält / deren prästen er
wol vorgesehen / vñd sy zü heilen begärt / vñd des-
halbten spricht / Lucas 21. Aber hütend iich / das i-
were herken nit beschwärt werdind / mit frässern
vñd trunckenheit / vñd mit den sorgen der narüg /
vñd iich diser tag vñuersähenlich überfalle. Dann
er wirt wie ein strick kommen / über alle ynwoner
der ganzen erden / Darum so wachend alle zyt / vñd

Warnung
für die prä-
ster vñd gyt-
ler.

Von fröud vnd leyd

bättend/das jr disem allen/das beschähen sol/ent-
schiehind/vnnd vor des menschen Sun bestan mö-
gind. In welchen worten/ der Herr drü laster ge-
mein der letzten zyt/ insonders vnd füruß/ als die
frässern/trunckenheit vnd gytige sorg/das nienan
so vil vff erden sye / das wir vßkommen mögind/
maldet/vß welcher sorg allerlei betrugs/vnd vnge-
bürliche vnd fürgriffigs werben vnnd handlen/
volget/ damit zwaren/wie vnser Herr vns hie vor
gesagt/ v meerteil diser vnser wält/ vnderstadt den
iren vnd irer selbs notturfft/ zü hilff zükommen/
rychtag vnd wollust zü zerüsten / vnd in sicherheit
vnd fröuden zü läben. Vnd damit sy sömlichs zü
wägen bringē möge / sich mind dan nüt schämt/
sunder ganz fräch vnnd vertröst hindurch bricht/
mit lügen / trügen/ ansehen vnnd allerley beschys-
sens/ dardurch sy sich aber in das ewig verderben
gächlingen stürkt: wie Paulus daruou redt 1. Ti-
moth. 6. Vnd ligt das alles/ so grob vnd griffen-
lich am tag/ das nun nit meer daruō hekünd zü sa-
gen ist. Allein aber wil es hekünd an dem fürnem-
lich gelägen syn/ das wer oren vnd vernunfft hat/
höre/ vnd verstande/ was im der Herr gesagt hat/
namlich / das der erschrockenlich tag des Herren
sömlische frässer/ suffer/ trunckne füller/ gytler od
betriegliche güterwünner vnd wält menschen/ vn-
uersähenlich / wie ein strick/ als grewenliche übel-
thätige lüth/überfallen/verstricken vnd verderben
werde. Das aber sömlichs nit beschähe/ sunder die
menschen vor dem Sun des menschen vnserem
Herr

Herrn Christo/ dem gerächten richter wol bestan
mögind/ sye nottwendig das wir vns hütind/ das
wir nit vom bösem byspil der wält verfür in die
gemeine grosse laster der letsten wält/ sunder wa-
chind vnd trüwlich Gott bittind / das er vns be-
gnade/ vnd behüte/ damit wir der ewigen straaß/
die gewüßlich kommen wirt/ über alle vngläubigen
vnd vnbüßfertigen/ entfliehen/ vñ by dem Herren
Christo in ewiger sälligkeit syn vnd whonen mö-
gind. Vnd das ist ein kurze summa der trüwen
warnung / die vns der Herr selbs im Euangelio
gethan hat/ als der nit vnser verderbens vnd un-
dergangs / sunder vnser heils vnd sälligkeit/ her-
lich begärt. In sye lob vñ danck in ewigkeit. Amen.

Wie vnser Herr Jesus Christus
zum gericht / im end der wält/ komen/
vnd läbendige vñ todte richtē werde.

Wet disem allem ist nekund gewüß vnd
gnügsam erhalten/ das der Jüngste o-
der letste tag der wält / gewüßlich kom-
men/ouch der Herr Jesus daruf kom-
men wirt/ wenn sich deß noch die wält nienan ver-
sähen/ vnd mit iren wollüsten vnd gntigen händ-
len / noch nienen gräch ist / ja noch lang vff erden
wülen wil / das ja in disem allem der Herr komen
vnd richten wirt über die läbenden vnd todten. Da
wir nun mee vnd fürhin eigentlich besähen wöl-
lend/ wie der Herr zum gericht kommen/ vnd über

E v

Von fröud vnd leyd

Wie der Herr zügericht komme werde. Die lebendige vnd todte richten werde: vff dz wir durch diese grosse vñ ernsthafftte handlung/ bewegt/ dester ernsthafftter vnd yferiger werdind zü wachen vnd bätten / one vshören/ vñnd dieses grossen herrlichen vñnd frölichen/vilen aber ouch trurigen vñnd erschrockenlichen tags/in gläubiger hoffnung demütiglich vnd trostlich erwarten mögind.

Die wält verendert.

Im end der wält / am Jüngsten tag/ wirt alle diese wält mit grosser bewegung der krefft der himlen vñnd aller elementen / mit one schrecken aller menschen/ verenderet ja ernüweret/ vñnd deshalben irer zerbrüchligkeit halben enden vñnd mit shür als der heilig Petrus züget 2. Pet. 3. verzert werden. Da werdend die Engel von himel härab kommen / zum gericht vffblasen vñnd von allen enden der wält/ alle menschen zü gericht besamen. Dann alle elementa werdend ire todten härfür gäben/ vñnd werdend alle todte waarhafftig vferstan/ vñnd die den Jüngsten tag erläbend/ werdend den vferweckte mit vorsehen/ aber geenderet vñnd ouch zü gericht mit den vferweckten gestellt werden. Dan wirt vnser Herr Jesus von himlen härab in grosser eer vñnd herrlichkeit ouch in vñnd mit sinem selbs lhb/ in die wolcken kommen/ vñnd mit dem schall der pafunen/ vñnd mit allen sinen Englen / das in da alles fleisch sehen vñnd erkennen wirt. Vñnd hie wirt er one verzug vñnd schnell richten über die todten/ das ist über die von todten vferstanden sind/ vñnd über die lebenden / das ist über die den Jüngsten tag erläbt habend. Vñnd wirt also richten / das noch gesprochen

nen

nem spruch der gerächten endurteil / er die gläubigen vberwölte zu im gnädiglich in sin ewig rich berüssen / vnd mit ewiger sälligkeit an seel vnd lhb begaaben wirt: die ungläubigē aber von im verstoffen / in abgrund der hell / da sy by dem tūfel / an seel vnd lhb / ewige pyn / one end / lyden müßend. Dann vß den wolcken wirt der Herr / nach gesprochner endurteil / widerum̄ hinuff in den himmel der rüh vnd sälligkeit / abscheiden / vnd dahin in den himmel mit im alle gläubigen die ye von anfang der wält gewāsen sünd / das da ist die herrlich groß gemeind aller heiligen / oder gläubigen menschen / mit den höchsten fröuden ganz herrlich führen. Hinwiderumb werdend alle ungläubigen mit seel vnd lhb von des Herren angesicht / mit vnuerhörten greuel / klag vnd jamer / angst vnd nodt versincken in ewige verdammuß.

Dise kurze entworffne sum̄ des Jüngstē tags / ja des frölichen vnd erschrockenlichen letsten gericht̄s vnser̄s Herren Jesu Christi / wil ich fürhine mit wytlouffiger erzellung / vnd aller gewüßisten zügnussen vnser̄s Herren Jesu Christi des richters selbs / vnd seiner heiligen waarhafften Apostelen / erlüthern / erwysen vnd waarmachen / vnd one wytere zügethane erklärung / mich allein irer worten / als die heiter vnd verständig gnüg sünd / vernügen lassen. Gott verlyhe vns sin gnad / das wir diser waarhafften leer von herzen gloubind / wie wir dann vstruckenlich in articklen vnser̄s waren alten vñ vngewyßleten Christenen gloubes /

Von fröud vnd leyd

mit dem mund verjähend / vnd sprachēd / Danner
(namlich von himlen / dahin er vsgesaren ist / vnd
sich geset hat zū der gerächten des vatters / ja dan
nen) er fünfftig ist zū richtē die lābenden vñ todte.

Matthei 24. cap. spricht der Herr / Bald aber
nach dem trübsal der selben zyt / wirt die Sonn ver-
finsteret werden / vnd wirt der Mon sinen glantz
nit gāben / vnd die sternen werdend von himmel
fallen / vnd die krafft der himlen werdend sich bewe-
gen. Vnd denn wirt erschynen das zeichen des
menschen Suns am himmel. Vnd denn werdend
hüwlen alle geschlācht vff erden: vnd werdend des
menschen Sun sāhen kommen in den wolcken des
himmels mit grosser krafft vnd herrligkeit. Vnd
er wirt sāden sine Engel mit grossen schall der
pafunen / vnd sy werdend sine vberwölten samlen
von den vier winden / von einem end des himmels
biß zū dem andern / etc.

Matthei 26. cap. spricht der Herr / Ich sagen
üch das ir werdend von heyt an des menschen
Sun sāhen sitzen zū der gerächten der krafft Got-
tes / vnd kommen in den wolcken des himmels.

Marci 8. spricht der Herr / Wer sich miner vñ
miner worten beschāmpft / vnder disem eebriacheri-
schen vnd sündigen geschlācht / deß wirt sich ouch
des menschen Sun beschāmen / wenn er kommen
wirt in der herrligkeit seines vatters mit den heili-
gen Englen.

In der Offenbarung Joan. am 1. cap. stadt ge-
schriben / Siehe er kumpt mit den wolcken / vnd es
werdend

werdend in sähen alle ougen/vnnd die in in gesto-
chen habend. Vnd es werdend sich über in flagen
alle geschlacht der erden/ Ja/ Amen.

Vnd am 20. cap. Vnd ich hab einē grossen wnf-
sen oder glanken stül gesähen/vnnd den der daruff
saß/vor welches angesicht die erden vnd der him-
mel geflohen sind/vnnd es ist kein plak für sy fun-
den worden. Vnd ich hab die todten gesähen beide
groß vnd klein/ stan vor Gott. Vnd es sind die bü-
cher vfgethan worden. Vnnd es ist ein ander büch
vfgethan worden welches ist das büch des läbens.
Vnd die todten sind gericht worden vß dem / das
in den bücheren geschriben was/ nach iren werckē.
Vnnd das meer hat die todten die in im warend
herfür gäben. Vnd der todt vnd die hell habend die
todten die in inen warend härfür gäben. Vnnd sy
sind gericht worden ein neder nach sinen wercken.
Vnd die hell vnd der todt sind geworffen worden
in den shürinen dench. Dis ist der ander todt. Vñ
wer nit funden ward geschriben in dem büch des
läbens / der ist in den shürinen dench geworf-
fen worden.

2. Corint. 5. spricht d heilig Paulus / Wir müs-
send alle erschynen vor dem richterstül Christi/ vff
das ein yetlicher empfahe das/das er an sinem lyb
gethan / nach dem er gehandelt hat / es sye gut o-
der böß.

Rom. 2. spricht Paulus / Verachtest du die
rychtuim siner gütigkeit / vnd weist nit das dich die
gütigkeit Gottes zü der besserung leitet? Sunder

Von fröud vnd leyd

du samlest dir selbs nach dinem verstockten vnd vñ
büßfertigen herzen / ein schatz des zorns vñ den tag
des zorns / vnd der Offenbarung des gerächten ge-
richts Gottes. Welcher einē yeden vergalten wirt
noch sinen wercken. Namlich das ewig läben de-
nen / die mit verharrung des güten wercks süchend
prys eer vnd die vnzerbrüchlichkeit. Denen aber die
da zeügfisch vñnd der waarheit vñgehorsam / dem
rächten aber gehorsam sind / wirt begegnē vñgnad
vñ zorn / trübsal vñ angst / über alle seelen der men-
schen die da böses thünd / fürnemlich der Juden
vnd ouch der Griechen: prys aber eer vñnd frid al-
len denen die güts thünd / fürnemlich den Juden /
demnach ouch den Griechen.

Philip. 3. Unsere burgerschafft ist in dem him-
mel / von dannen wir ouch wartend des Heilads /
des Herren Jesu Christi. Welcher vnsern nider-
trächtigen lyb / vergstalten wirt das er glychfö-
mig werde dem lyb seiner klarheit / noch der wür-
ckung mit deren er mag im alle ding vnderthon
machen.

1. Corinth. 15. Sihe ich sagen üch ein geheim-
nuß / wir werdend nit alle entschlaffen / wir wer-
dend aber all verwandelt werden: vñnd das selbig
schnell in einem ougenblick / zur zyt der letzten pa-
sunen. Dan er wirt mit der pasunen vñblasen / vnd
die todten werdend vñerst on vnzerbrüchlich / vñnd
wir werdend verwandelt werden. Dann diser zer-
brüchlich lyb muß die vnzerbrüchlichkeit anlegen /
vñnd diser sterblich lyb / muß die vnsterblichkeit an-
legen.

legen. Wenn aber diser zerbrüchlich lyb wirt die vnzerbrüchligkeit anlegen/ vñnd diser sterblich lyb wirt die vnsterbligkeit anlegen/ den wirt erfüllt werden das wort das geschriben stadt/ Der tod ist verschlunden mit dem Sig. Todt wo ist din angel? Hell wo ist din syg? ic.

1. Thessal. 4. Wir wöllend üch aber lieben brüder nit verhalte von denen die da entschlaffen sind/ das jr nit trurind wie die andern/ die kein hoffnüg habend. Dann so wir gloubend das Jesus gestorben vñnd widerumb vferstanden ist / so wirt Gott ouch die so entschlaffen sind durch Jesum/ mit im hinfüren. Dann das sagend wir üch mit des Herren wort/ das wir die wir läben werdend vñ überblyben vff die zükunfft des Herren/ denen nit werdend vorkommen die entschlaffen sind. Dann er selbs (der Herr) wirt mit einem völdgeschrey vñnd stim des Erhengels vñnd nit der pasunen Gottes herab kommen von himmel: vñnd die todten in Christo werdend zum ersten vferston: demnach werdend wir die wir läbend vñnd überblyben sind/ mit sampt den selbigen hinzuckt werden in den wulcken dem Herren entgegen/ in den lufft/ vñnd werdend also by dem Herren syn alle zyt.

Joannis 5. spricht der Herr/ Warlich sag ich üch/ es wirt die stund kommen vñnd ist schon heyt/ das die todten werdend die stim des Sunis Gottes hören/ vñnd die sy hören werdend/ die werdend läben. Dañ wie der vatter das läbē in im selber hat/ also hat er ouch dem Sun gegäben das er das lä.

Von fröud vnd leyd

Daniel. 7. ben in im selber habe. Vnd er hat im auch gwalt gaben zu richten / darum das er ist des menschen
Sun. Verwunderend üch desse nit. Dañ es wirt die stund kommen / in welcher alle die in den greberren sind / sint stin hören werdend. Vnd die güts gethon habend die werdend härfür kommen zur vferständnuß des läbens: Die aber böses gethan habend zur vferständnuß des gerichtis.

Daniel. 12

Matthei 25. cap. spricht der Herr / Wenn aber des menschen Sun kommen wirdt in seiner herrligkeit vnd alle heilige Engel mit im / denn wirt er sitzen vff dem stül seiner herrligkeit. Vnd es werdē vor im versamlet werden alle völker / vnd er wirt sy von einandren sünderen glich wie ein hirt die schaaff von böckē sünderet: vnd er wirt die schaaff zu seiner rächten stellen / die böck aber zur lingen. Denn wirt der künig zu denen sagen die zu seiner rächten syn werdend / Kommend här ir gebenedyeten mines vatters / besitzend das rych das üch bereitet ist von anfang der wält an. Dann ich bin hungerig gewäsen vnd ir habend mich gespyset. Mich hat gedürstet vnd ir habend mir zu trincken gaben. Ich was ellend oder ein frömbdlinig / vnd ir habend mich beherberget. Ich was naectend / vnd ir habend mich bekleidet. Ich was franck vnd ir habend mich besücht. Ich was in gefängnuß / vnd ir sind zu mir kommen. Den werdend im die gerächten antworten vnd sagen / Herr wenn habend wir dich hungerig gefähen vnd dich gespyset? oder durstig vnd habend dich getrenckt? Wenn habend
wir

wir aber dich ein frömbdling gesehen / vnd dich beherbergt? oder nackend vnd dich bekleidet? oder wenn habend wir dich krank gesehen / oder in gefängnuß vnd sind zu dir kommen? Vnd der künig wirt antworten vnd zu inen sagen / Warlich sag ich üch / diewyl ir sömlichs einem vnder disen geringsten minen brüdern gethon habend / so habend irs mir gethon.

Denn wirt er ouch denen sagen / die zur lingken syn werden / Bond hin von mir ir verflüchten in das ewig shür / das dem Tüfel vnd sinen Engelen bereitet ist. Dañ ich bin hungerig gewäsen / vñ ir habend mich nit gespysset. Mich hat gedürstet / vnd ir habend mir nit zu trincken gäben. Ich was ein frömbdling vnd ir habend mich nit beherberget. Ich was nackend / vnd ir habend mich nit bekleidet. Ich was krank vnd in gefängnuß vnd ir habend mich nit besücht. Denn werdend sy ouch im antworten vnd sprächen / Herr wenn habend wir dich hungerig / oder durstig / oder ein frömbdling / oder nackend / oder krank / oder in gefängnuß gesehen / vnd dir nit gedienet? Den wirt er inen antworten vnd sagen / Warlich sag ich üch so ferr ir sömlichs nit gethon habend einem vnder disen geringste / so habend irs ouch mir nit gethon. Vnd dise werdend gon in die ewigen pyn: die gerächter aber in das ewig läben.

Vnd von diser ewigen pyn des hellische shürs / redt ouch der Herr selbs im Euangelio Marci 9. vnd spricht zum dritten mal vff einanderen / in der

¶

Von fröud vnd leyd

hell sye das vnuslöschlich fhür / da ir wurm nit
sterb / noch ir fhür erlösche / vnd sol die tryfalt des
vnuslöschlichen fhürs vnd ewigen gnagens in
der hell des Herrē zügnuß / billich vil by allen glou
bigen gälten / vnd vns alle bewegen sorg zü haben /
das wir das nit erfare müßind / daruor wir hie so
trüwlich gewarnet werdend. Isaias der Prophet
sagt ouch hieruon am 31. vnd 66. cap.

Da gnade
werdend
heil die heil
igen

Vnd ist in disem handel allem das ouch wol zü
mercken / das die vßerwöltē gnädigklich zum rych
Gottes berufft werdend / welchs inen von anfang
bereit. Deshalben sömlichs von inen nit verdienet
worden / ob sy glich wol die werck der liebe ganz
trüwlich geübt habend / sunder das heil ist inen vß
gnaden gäben. Wie dann ouch das wörtli Bega
ben vermag. Dahin dienet d spruch Pauli Rom.
6. Der sünden sold ist der todt / aber das ewig lä
ben / ist ein gaab Gottes / in Christo Jesu vnserm
Herrn.

Aber andere vnd vil me zügnussen von dem ge
richt vnser Herrē Jesu Christi / möchte ich noch
vß beiden Testamenten har verzeichnē / wo ich nit
vermeint / das an disen erzellen / gläubige lüth ein
güt vernügen hättind.

Von höchster fröud der glou
bigen / welche sy an dem Jüngs
ten tag / vnd letsten gericht vn
ser Herrē Jesu / empfahen wer
dend.

Vnd

Dund hie wirt nun ouch zyt vñ statt syr zuredē / zū ersten vō der höchsten fröud / demnach ouch von dem grōsten leynd des künfftigen Jüngsten tags / so daruß den menschen begegnet vñnd zūstan wirt. Die menschen bildend inen yn / das der Jüngste tag ynbräuchen werde mit grossen schräcken angst vñnd nott aller diser wält / wie zum teil ouch der heilig Apostel Petrus in seiner letzten Epistel wyssaget / vñnd ouch wol zūgedencken ist / das von wägen vñs an erborner blödigkeit / vñnd von wägen der grossen mercklichen vñd schnellen vnuersähren aller diser wält verenderung / anfangs nit geringer schräck vñnd zytteren sich in den menschen erheben werde. Wenn aber glych in diser verenderung ouch erschynen wirt in den wolcken / vnser Herr Jesus Christus waarer Gott vñnd mensch / so ist vngezwyfflet / das alle gläubige durch Christū in höchste fröud erhebt / alles zittern / schräcken vñd angst werdend fallen lassen / vñd sicher in Christo frolocken. Dit anders dann wen wir sunst hie in zyt / wie vil vñnd dick beschicht / in grossen lyden angst vñd nödten sind / vñd vñs aber vnuersährenlich ein retter oder trost zukompt / das wir in rächte fröud erhebt / all vnser lydens / schräcken / angst vñd nott vergässend. Wiewol die byspil diser zergänglichlichen wält / nit aller dingen eruolgen mögend / die grōsse der künfftigen dises handels sachen / so gäbend sy doch etwas verstandts / in welchem doch vñ gläubig allwägen gedencft / das er vil höhers beträch-

Der Jüngste tag grossen rächen.

In Christo erfröude

Von fröud vnd leyd

ten vnd grössers im selbs ynbinden vnd verston
sölle/2c.

Christus
kumpt zum
griech mit
sinem waan
ren lyb.

Coloss. 3.

Fröud der
gläubigen
in Christo.

Dann vnser Herr Jesus Christus wirt zum
griech kōmen mit sinem waaren lyb/in der mensch
lichen form vnd gestalt/die er von d' reinen Jungf
frowen Maria angenōnen / vff erdterich zur zyt
siner niderung erzeigt/in todt gegāben/von todtē
widerum vferweckt/in himmel vffgefūrt / vnd ge
sassen ist zū der gerāchten seines himmelischen vat
ters/mit dem lyb er gesagt hat/ das er zum griech
kōmen werde/ vnd in alda sāhen werdē die in ver
wundt vnd in in gestochen habend. Wenn dan die
gläubigen die allen iren trost vnd hoffnung / vff
den Herren vnd vff sin menschwerdung vnd bit
ter lyden vnd sterben geset/vnd vest gloubt ha
bend/das sy durch das blūt Christi von allen iren
sünden gereiniget / mit Gott vertragen vnd verei
niget worden / vnd in Christo gewiſ das läben ha
bind/wie dann ouch Paulus zūget/ vnd spricht/
Ewer läbē ist mit Christo in Gott verborzen (in
im ūch behalten vnd verwaret) das wenn Chri
stus der vnser läben ist erschnen wirt / wir ouch
mit im in der herrligkeit geoffenbaret werdind / ja
wenn dann die gläubigen ob inen/aller gestalt/wie
sy gegloubt / den Herren sāhen werdend / das er
kumpt vnd geoffenbaret wirt wie sy sinen gewar
tet: Hienābend erst ouch sāhēd/ das herrlich liecht
vnd alle herrligkeit vnd göttliche Maiestat/ in wel
cher der Herr kompt/mit allen sinen heiligen Eng
len/ ouch himmel vnd erden vñ alle creaturen sich
gāgen

gägen der vnusßsprächlichen herrligkeit entsehend /
 vnd aber die gläubigen durch iren besten glouben
 grundtlich wüßend / das diser gewaltiger vnd vn-
 überwindlicher Herr vnd richter / ir gnädiger er-
 löser ist / der für sy mensch worden / vnd eben den
 lhb den sy in wolcken vor iren ougen sahēd / in todt
 gegäben hat / vnd nekund darum / nach sūte wort /
 in die wolcken herab kommen ist / das er sy als sūte
 liebe kinder vnd erlöste / vñ nemen wil in die ewi-
 gen fröud vñd sāligkeit / in sōmlicher betrachtung
 vñ anschowung des Herren Jesu / erhebt sich nekt
 in allen gläubigen / mit nun der grōste trost vñd
 hōchste frōud / sunder vnusßsprächliche wun / vñd
 das aller lieblichst frolocken in Christo. Vnd hie-
 har dienet das in der Offenbarung Joannis die
 gläubigen mit grossen verlangen / begärend / bittēd
 vnd herzlich hōschend / das der Herr zum gricht
 komme / dan im 22. cap. also geschriben ist / Vñ der
 geist vnd die brut sprächend / Kom̄. Vñd wer es
 hört der spräche / kom̄. Vñd bald hieruff volgt / der
 spricht / d sōmlichs zūget / Ja / ich kom̄ bald / Amē /
 Ja / Kom̄ Herr Jesu.

Durch disen vnsern Herren Jesum werdend
 den zū mal alle gläubige / so von anfang der wält
 biß dahin / abgestorben / vñd weckt werden von den
 todten / vñ gestellt zū den gläubigen / die den Jüng-
 sten tag vñd erden erlabend / vñd schnell in einē ou-
 genblick / als obgemeldt mit den Worten Pauli /
 verenderet oder verwandelt werden / also das alles
 das an dem menschen stärblich / angefochten /

Vrstände
 der todten
 vñd verend-
 derung der
 labenden.

Von fröud vnd leyd

schwach/ fleischlich/ sündig vnd zerbrüchlich ist/ an
vnserm lyb vnsterblich/ vnangefochten starck oder
krefftig/ geistlich/ vnsündig/ herrlich vnd vnzer-
brüchlich gemachet wirt werden. Vnd sol aber das
geistlich hie verstanden werden/ nit das vnser lyb
vnd fleisch das vferst on wirt/ nit in sinem waaren
wäsen blybe/ oder in geist verwandelt werde/ sun-
der daß das fleisch in sinem wäsen blibende/ des
geists art an sich nimpt/ vnd von dem geist geführt
vnd geregiert wirt. Vnd vff sömliche enderüg/ die
da ist die verklärung/ wirt vnser lyb geschickt gena-
chet/ die ewigē güter zü erben/ die geheimen sachen
zü verstou/ vñ den Gott der ein geist ist/ anzüscho-
wen/ vnd in jm alle wun vnd fröud niessen. In
welchē allem ein so überschwengliche grosse fröud
ist/ das sömlichs nit kan mit einicher menschlicher
zungen/ wiewol beredt sy ouch sye/ vßgesprochen
werden. Vñ welches alles wir gar güten berichte
vnd grund habē/ in dem hieuor anzognen 15. cap.
der ersten Pauli zü den Corinthern. Darzū ouch
in diser prophetischen vñ apostolischē küdtischafft/
Derglychen kein oug gesähen hat/ noch kein oz ge-
hört/ noch in einichs menschē herk ne kommen ist/
das hat Gott bereitet denē/ die in liebē. Vnd mit
disen luth ouch der spruch Dauids/ im 16. Psala-
men/ der ein guldin kleint heist vnd ist/ in dem al-
so geschriben stadt/ Es fröwt sich min herk/ vnd
min eer ist frölich/ vnd min fleisch wirt sicher rü-
wen. Dann du wirst min seel nit in der hell lassen/
noch gestatten das din heiliger verwäse oder ver-
fule.

fulle. Du wirst mir zeigen den wäg zum läben / die
 ersetzung der fröudē ist in dinem angesicht / lust
 vnd wun ist by diner gerächten in ewigkeit. Vnd
 vff dise gattung redt ouch der heilig Apostel Joann
 nes vnd spricht / Sähend was grosser liebe vns der
 Vatter gäben hat / das wir Gottes kinder söllend
 heissen. Darum feint vns die wält nit / dan sy feint
 in nit. Ir fürgeliebten / wir sind schon heit Gottes
 kinder / vnd es ist noch nit offenbar / was wir noch
 sin werdind. Wir wüssend aber das wein er erschn
 nen wirt / wir im glych syn werdēd. Dan wir wer
 dend in sähen wie er ist. Vnd von dem herrlichen
 vnd fröudenrychen sähen Gottes in der sälligkeit /
 da Gott alles in allen sin wirt / ouch von der vol
 kommen wüssenheit der himmelischen ewigen din
 gen / züget ouch Paulus zü den Corinthern vnd
 spricht / Unser wüssenheit hie vff erden der götli
 chen sachen sye nun ein halbs oder stuckwerck / vnd
 hie sähind wir durch einen spiegel / in einer räter
 schen / denn aber / wenn wir abgescheiden vnd ver
 klärt worden / werdend wir sähen von angesicht zü
 angesicht.

1. Joann. 3.

1. Corin. 13.

Vnd das ist ouch die rächt volkomen sälligkeit /
 die nieman gäben wirt vor dem Jüngsten tag vnd
 letzten gericht. Waar ist's / das die seelen aller alt
 vättern vnd vnser voreltern / so bisshar durch den
 todt vom lyb sind abgescheidē / nit schlaaffend oder
 verzuckt nit wüssend wo sy syend / vnd inen also
 weder wol noch wee sye / sunder sällig sind sy wor
 den / vñ rüwend in fröuden vnd in himlen by Chri

Die seelen
 in der sällig
 keit / kom
 mend aber
 in d' rüfede
 wid zü iren
 lychnamē.

D iij

Von fröud vnd leyd

sto / biß an den Jüngsten tag. Der mensch aber ist nit allein seel / sunder ouch lyb. Nun aber wenn die seel die nun ein teil deß menschen ist / von dem lyb / durch den todt / abscheidet in himmel oder in die sälligkeit / so wirt der lyb der ander teil deß menschen / in die erden vergraben / da er nit / weder güts noch böses / empfindt / sunder verwißt / vñ wirt zu stoub oder äschen. Darum hat er sin vrtail vñ das er güts vnd böß mit der seel gethan / noch nit empfangen / vñd muß aber noch vñ das selb ein vrtail über den lyb ergan. Das beschicht erst an dē Jüngsten tag / an dem alle todten / das ist abgestorbne lyb / vferweckt werdend durch die allmächtigkeit

Daniel. 12. Gottes vß dem stoub der erden / wie Daniel gewis sager. Vñd den erst wirt die endvrtail am Jüngsten gericht / über den lyb / ja ouch über den ganzen menschen / der da ist lyb vnd seel vom Herren Christo / rächtlich / vßgesprochen / vnd allem fleisch vß den wolcken / von himlen härab verkündt werden.

Heb. 11. ca. Daruf erst wirt der ganz mensch vollkommen sällig gemachet an lyb vnd an seel. Daruon hat Paulus geredt vnd gesprochen / Vñd dise all (die alten gläubigen des alten Testaments vätter) als sy ir kundtschafft durch den glauben erlangt / habend sy die verheissung nit empfangē (verstand das Gott das vollkōmen heil lybs vnd der seel in der vrtende verheissen hat) Darum das Gott etwas bessers für vns fürsāhen hat / das sy nit one vns veruollkōmnet (merck das wort veruollkōmnet) wurdind.

Wenn dan vor dē Herren versamlet wirt die
ganz

ganz gemeind aller vberwölten Gottes/die ne von
 anfang der wält bis zu irem end gewäsen sind/ als
 Adam/ Seth/ Enoch/ Noe/ Sem/ Abraham/ J.
 saac/ Jacob/ Joseph/ Amram/ vnd andere alle hei-
 ligen Patriarchen/ Moses vñ Aaron/ sampt allen
 anderen heiligē priestern vnd prophetē/ künigē vnd
 by disen allen ouch Simeō/ Zacharias / Joannes
 der Tuffer/ Maria die ewig rein Jungfrow vñ
 müter Gottes/ Elizabeth/ Anna sampt allē apost-
 len / marteren / bischoffen / vnd anderen trüwen
 dienern vnd dienerin Gottes / ouch allen vnsern
 vordern vnd voreltern / bekañten vnd lieben gūten
 frūnden / so wirt glich daruß ein merckliche für-
 träffenliche fröud entstan. Welches etlicher maas
 joch by disen blöden zñtlichen byspil / das doch nit
 aller dingen/ wie hie oben ouch vermeldet worden/
 ein glichis ist / mag verstanden werden/das wenn
 du lange zyt von gar herrlichen lüthen vil gehört
 hast / by denen zu syn/ oder sy zu sähen allweg be-
 gärt/ Oder so du ein läge zyt vñ dinen aller liebsten
 lüthen / vatter vñ müter/ schwestern/ brüdn/ wyb/
 kindern vnd anderē gūte frūnden/ abgewäsen bist/
 zu denen du aber ein langs vñ herglichs verlangen
 gehebt hast/ vñ sich aber begibt/ dz du nach langem
 verlangen / zu inen kompst / sy sähen/ ansprächen
 vnd vñfahen magst/ was grosser fröud dir sōm-
 lichs bringt/ kanst du wol gedāncken / das in dem
 geistlichen himmelischen handel/ vil ein höhere vnd
 vollkommere/ ja vnüßsprächenliche fröud / vñ dem
 in den gläubigē entstan wirt/ Wenn sy ein mal vor

Die ganz
 versamlig
 aller glöub-
 bigewirt in
 ein gemeind
 samē kom-
 men.

D v

Von fröud vnd leyd

Gott vnd sinen Sun vnserm Herren Jesu Chri-
sto versamlet werdend / zu der grossen gemeind al-
ler vberwöllten Gottes englen vnd heiligen / vnd
die anschouen vnd vñfahen / vnd von inen hin wi-
derum mit höchster lieb vnd fründtligkeit empfan-
gen vnd vñfangen werdend. Als Socrates das
gifftrincken vnd nun me sterben solt / trost er sich
damit sunderlich / wie Cicero von im schrybt / das
er den nächsten seines abscheids / zu den herrlichen
wysen männern / Dypheo / Museo / S. Siodo / Ho-
mero vnd anderen kommen / vnd sich mit inen lu-
stenglich bespraachen solt. Vnd was aber Socra-
tes ein Heid / dem die rächt waer sälligkeit vnd vn-
sere geheimnussen vnberkänt / darzu die / derē er sich
vertröst / den vnsern / hiēoben vermeldeten / nienan
zu verglychen sind / deshalb wir vil ein bessern
vnd gewüssern trost / dann Socrates / habend / vnd
vns der vnsern vil me / dan er der sinen / fröwend /
insonders so ouch Paulus vns zügnuß hie von
gibt / vnd spricht / Ir sind kommen zu dem berg
Sion / vnd zu der statt des läbendigen Gottes / zu
dem himmelischen Hierusalem / vñ zu der vile oder
menge viler tusender englen / vnd zu der gemeind
der erstgebornen / die in dem himmel angeschriben
sind / vnd zu Gott dem richter aller menschen / vnd
zu den geisten der vollkommen gerächten / vnd zu
Jesu dem mittler des nütwen Testaments / vnd zu
dem blüt der besprängung / das bessers redt / dann
Abels blüt. Hebr. 12. cap.

Hebr. 12.

Vber das alles ist grosse versüchung vnd flag
hie

hie vff erden/ ouch vnder gläubigen lüthen/ welche
 yferend / wenn sy sahend das es bösen lüthen wol
 vnd nach irem willen gadt/ vnd vff die frommen
 gottsförchtigen allerlei widerwertigkeit vnd vn-
 glück fällt. Vñ dise anfächtung nimpt dermassen
 by vilen menschen zu/ das sy ouch anhebend/ vnbe-
 dachtlich brumlen vñ wider Gottes gericht reden
 als ob sy schier nit richtig sin söltend. Darum weiß
 die gläubigen vff disen tag/ des gerächten gerichtes
 Gottes/ heiter sahend vñ befindend/ das einem ye-
 den nach sinem thün vnd lassen rächt vergulden
 wirt/ so erfrowend sich die gläubigen in der geräch-
 tigkeit Gottes hochlich: wie hieruon im propheten
 Malachia geschriben stadt im 3. vñ 4. cap. Darzu
 der heilig Apostel Ioannes in seiner Offenbarung
 spricht / Fröw dich über Babylon / o du himmel/
 vnd ir heiligen apostlen vnd propheten. Dan Gott
 hat iwer vrtail an iren gerichtet. Vnd widerum/
 Darnach hab ich ein grosse stüm gehört viler schaa-
 ren im himmel/ die da sprach/ Alleluia/ heil/ eer vñ
 prys ouch krafft sye dem Herren vnserem Gott.
 Dann sine gericht sind waarhafft vnd gerächt/ re.
 Apocal. 18. 19. Vnd hiehar dienet das in der wyß-
 heit Solomons also geläsen wirt / Die seelen der
 frommen sind in der hand Gottes/ vnd kein pyn
 des todts mag sy verdilgten. Vor den ougen der
 vnwyssen werdend sy geachtet als sturbend sy/ vnd
 ir end wirt geachtet als ein verdärben / Sy aber
 sind in sicherer rüw vnd friden. Vnd ob sy schon
 etwas pyn vor den menschen erlydend/ so ist doch

Vff des he-
 re tag wir
 hederman
 vergulden
 nach sinem
 thaaten.

Apoca: 18
 vnd 19.

Sapi. 3. c.

Von fröud vnd leyd

ir hoffnung vff vntödeliche ding. In wenigem werdend sy gefestiget / vil güts aber wirt inen widergulten. Dann Gott versücht vnd bewärt sy / wie gold im schmeltzosen / vnd hat sy angenommen wie ein brandopffer / vnd wirt zu seiner zyt vff sy sehen. Die frommen werdend schynen vnd glansen / wie die shürfuncken im rot gneistend. Sy werdē die völder vrtailen vnd beherrschen / ir Gott wirt ewig regieren. Dann gaaben vnd friden werdend die vberwöllten haben / 2c. Sapientie 3. cap. Vnd über das alles redt vnser Herr sebs im Euāgelio / Es wirt der Sun kommen in der herrligkeit des Vatters mit seinen heiligen Englen / vnd als dann wirt er einē yeden vergalten noch seinen wercke / 2c.

Matt. 26.

Der Jüngste tag vñ letst gericht vnser Herren Jesu / ist den gläubigen frölich vnd trostlich / vnd nit leydig vnd erschroffenlich.

Did wiewol dise gründ all vest gewüß vnd bestēdig gnüg sind / mit desmünd zu vollkommerem vnd besserem bericht vñ trost / wil ich noch etliche zūgnussen vß dē warhafften wort Gottes kurz melden / welche einhällig zūgend / das der Jüngste tag vnd das gericht des Herren / den gläubigen frölich / nit leydig / lieblich vnd süß / nit häßlich vnd bitter syn werde. Luce am 21. cap. nach dem der Herr die obuermelten zeyche / sodem Jüngsten tag vorgand / erzellt hat / spricht er dar

er daruff/ Wenn aber diese ding anfahend zu beschähen / so sehend vñ vñnd hebend iuwere haupter vñ. Dann iuwere erlösung nahet. Merckend hie dz der Herr selbs den Jüngsten tag nit nempt ein pynigung vñnd versehen in angst vñnd nodt/ sunder ein erlösung der gläubigē/ ja ein erlösung von d sünd/ von dem Teufel vñnd sinem versüchen/ vom todt vñnd der hell / von der vntrüwen falschen wält/ von der blödigkeit vnseres fleischs/ vñ vñß der gefängnuß/ in deren wir gefangen ligend / ja von aller zerbrüchlichkeit/ ellend/ jamer vñnd arbeitßaligkeit / in deren wir rüß in diser ellenden zyt stäckend. So aber nemmandts in gefängnuß ligt/ oder in franckheit/ jamer / angst vñnd nodt verhaßt ist / erfrowt sich der nit überschwenglich/ wenn er nit nun hört von seiner zukünfftigen erlösung / sunder nekund auch thaatlich von allem sinem lyden erlößt wirt? Die wyl dann der letzte oder des Herren tag / der tag der erlösung ist/ so ist er den gläubigen/ die der erlösung herkölich erwartend/ trostlich vñnd fröudērich vñnd nit angstlich vñnd pynlich. Wer aber noch mee vñnd herrlicherß läsen vñnd verstan wil von diser erlösung/ von deren wir nun kurz hie geredt habend/ der läse dz 8. cap. der epistel Pauli zu dē Römern.

Widerum aber spricht der Herr im selben 21. cap. Luce/ Wenn jr dieses alles sehend beschähen/ so wüßend daß das rych Gottes vor handen ist. Da der Herr den letzten tag nempt das rych Gottes/ darum das wir des tags vñngenommen werdend/ vñß der vnbeständigen ellenden zerstorlichen wält/

Der tag
des grichts
ist vnser
erlösung.

Der tag
des Herrē
ist das rych
Gottes.

Von fröud vnd leyd

in das eewig rych Gottes/in welchem alle ersett-
gung aller himmelischen fröudē vns rychlich mit-
geteilt wirt / nach dem geschriben stadt/Gott wirt
abwüschē alle trähen von iren ougen. Vnd der
todt wirt nit me syn. Es wirt ouch weder leyd noch
geschren/ noch schmerke me syn. Vnd der vff dem
stül saß hat gesprochen/Sihe ich mach alles nüt/
zc. Apocalyp. 21. cap.

Des Herrē
tag ist der
tag der qui-
ckung.

Derglychen züget ouch der heilig Petrus in
Geschichten der heiligen Apostlen. Dan er nempt
des Herren tag/die zyt der erquickung/ja die herr-
lich zyt / vff welche alle ding werdind wider ge-
bracht werde/die Gott geredt habe/durch den müd
aller siner propheten/von ye wälten har. Deshal-
ben der vil ernempte tag syn wirt nit ein leydiger
sunder fröudiger tag/ja den gläubigen. Von diser
erquickung hat ouch der sällig Paulus gar herr-
lich geschriben vnd gesprochen / Es ist vor Gott
rächt vnd billich / denen die üch trübsal züfügend/
mit trübsal zü vergälten/ üch aber die jr trübsal ly-
dend/ rüt vnd liberung oder erquickung mit vns
zü verlyhen/wenn nun der Herr Jesus wirt geof-
fenbaret werden vom himmel / sampt den englen
siner kraafft/in dem shürflamen/zc. 2. Thess. 1. cap.
Wer kan aber in kürze erzellen/ alle die grosse vnd
herrliche ding/welche Gott durch sine heiligen pro-
pheten/ sinen gläubigen verheissen hat. Die selben
aber alle wirt der Herr vff den tag leisten/vn rich-
lich verlyhen allen sinen vßerwöllten. Welches al-
les so herrlich vnd groß ist/das es alle menschliche
sün

ſin übertriff. Da wöllend wir vns nun demüti-
gen vor dem Herren/vñ erwarten mit fröuden die-
ſes tags / vñnd hoffen der Herr Jeſus werde vns
mit diſen ſinen himmelſchen fröuden erſettigen/
das wir an der thaat erſarind / das wir mit wör-
ten nit vßſprächen könnend. Im ſye eer lob vñnd
dancf von ewigkeit zu ewigkeit. Amen.

Von dem gröſten leyd der vñ-
gläubigen/mit dem ſy am letzten tag
vñnd gricht vnſers Herren Jeſu Chri-
ſti/vñuerſähenlich vñnd grewenlich
überfallen werdend.

Sekund iſt noch übrig/das ich das gä-
genteil gägen der höchſten fröud v glöu-
bigen/ſtelle/ namlid/ das herklich grö-
ſte vñnd nit vßſprächenlich leyd/das vff
dem tag des Herren/den vñgläubigen widerfaren
wirt. Welchs an im ſelbs ſo vil ſchweerer vñ pyn-
licher ſyn/ſo vil vñuerſächner vñnd ſchneller/wenn
ſy inen ſelbs/noch vil wolluſts vñnd fröuden vff er-
den verheiſſend/ſy aber eins mols überfallen wirt.
Wie dann Paulus züget/ vñnd ſpricht/ Wenn ſy
werdend ſagen es iſt frid vñnd kein geſhaar (fröud
vñnd luſt vñ vñ vñ) den wirt ein vñuerſähenlichs
verderben über ſy fallen: glich wie die kindts nödt
ein ſchwanger wyb überfallend/ vñnd ſy werdend im
nit entrünnen. Dann der Herr züuor ſelbs geſpro-
chen hat/ Glich wie der blißg vßgadt vom vffgäg/

Vñuerſä-
hlich falle
das verder-
be über die
vñgloubi-
gen.

Matt. 24



Von fröud vnd leyd

Vff dē tag
werdē die
vnglōubi-
gen hūlen.

Die vñ
glōubigen
werdē
den Her-
ren ouch
anschowē.

vñnd schynnt biß zū nidergang / also wirt ouch syn-
die zūfunfft des Suns des menschen. Item / Der
Sun des menschen wirt kommen zū einer stund /
da irs nit meinend. Vñnd widerum / der Herr des
knächts / wirt kommen an dem tag / des er sich nit
versicht / vñnd zū der stund / die er nit weißt. Vñnd
noch wyter zeigt der Herr abermals selbs / mit fur-
ken Worten / das grōste herklyd / das sich vff den
tag by vñnd in den vnglōbigen erheben wirt / vñnd
spricht / Vñnd den werdend hūlen (κόψοιται) alle ge-
schlecht der erdē. Vñnd begryfft aber das Griechisch
wort / das hie der Euangelist gebriucht / me dan das
nun mit dem einige wort hūlen vßgesprochē wirt.
Dan es nit ein bloß hūlen oder schrynen heißt / sun-
der klāglich mit jāmerlichen geberden weynen /
schrynen / hūlen vñnd klagen / ja vor grossen jāmerli-
chem leyd sich selbs schlahen / ryssen oder freßē / das
haar vßrouffen / sich am herd vñnwalken / vñnd vor
angst vñnd nodt nit wüssen / wie klāglich joch noch
eins sich stellen möge vñnd könne. Vñnd wirt des-
halb durch alle geschlacht der erden / nit die glōubig
kirch hie verstanden / sunder die ellend vnglōubig
rott / aller deren die von ne wällten har gewāsen
sind / vñnd noch vff den letzten tag überbliben / vff
dem ganken vñnkreis der erden.

Dann glych wie die glōubigen vnsern Herren
Jesum waaren Gott vñnd menschen / in vñnd mit
sinem waaren fleisch / wie er am crūß vßgeopffert
ist / in woleken des himmels anschowen / also wer-
dend ouch die vnglōubigen / den selben Herren in
; sūer

finer Maiestat vnd menschlichem l yb oder fleisch /
 sähen kommen zum gericht / nach lut der propheti-
 schen vnd apostolischen erst anzogner kündigt schaffet /
 Sy werdend den sähen / in den sy gestochen habed.
 Vnd hie wirt aber vß diser gesicht des Herren / sich
 in den vngloubigen erheben ein grusamer schrä-
 cken / vnd sy überfallen das grösste lend. Diewyl sy
 klar vor ougen sähend / das sy nie glouben wollen /
 sunder allwäg verachtet / nällich das der / den sy ge-
 marteret / verschmecht / gehasset / vnd grimmig ver-
 uolget habend / der Herr aller dingen mechtig sye /
 vnd zu lest kommen werde sich zu rächen vnd sy
 zu straaffen. Da sy aber nekund wol wüßend / vnd
 in inen selbs erkennen könnend / das grad nekund
 sy die sünd / die sich Christo widerlegt habend / den sy
 aber nekund sähend dahar zum gericht vnd zur
 raach vnd straaff kommen / von welcher sy nie-
 man erlösen wäder kan noch mag.

Vnd in diser zaal sind nit nun begriffen die
 den Herren Christum l yblich gecrüziget vnd in in
 gestochen habend / sunder ouch alle gottslesterer /
 welche beharrlich vnd one rüw / büß oder besserüg /
 das lyden Christi vnd vnserer erlöfung / üppiglich
 angezogen in iren reden / vnd schandlich geschwo-
 ren vnd geflüchet habend / by dem crüz Gottes / by
 finer marter / wunden vnd lyden / by sine schweiß /
 fleisch vnd blüt / by den heiligen Sacramenten / vñ
 deren glychen / dardurch sy den handel der erlöfung
 des menschlichen geschlächts lichtferig gehalten ge-
 schmächt vnd geschendt habend. Darum sy billich

Welche
 all vergrif-
 fen vnder
 denen die
 in Christu
 gestochen

E

Von frönd vnd leyd

ab der zükunfft Christi zū gricht / mit sinem selbst
gecrüzigeten vnd verwundtē lyb / ein grossen schrä
cken empfangend. Es werdend ouch hie begriffen al
le die / so die Euangelische leer verachtet / vnd Chri
stum allein nit für iren Heilād gehalten vñ im von
gankem herken vertruwt / sund dz heil anderswo
dann allein in Christo vñnd sinem lyden gesucht /
vñ also das lyden Christi nit in denen eeren gehalten
habend / wie sy aber billich sollen. Item alle die
sich von Christo abgeworffen habend. Dann Pau
lus züget zū den Hebreern am 6. vnd 10. cap. das
ouch sömliche Christum wider crüzigind.

Veruol
ger d glöu
bigen.

Vñ diewyl dan der Herr zū Paulo gesprochen
hat / Saul Saul / warum veruolgest mich? Da er
aber Christum in sinem fleisch nit veruolget hat /
sunder die glöubigen Christi / so volget das in diser
zaal der crüzigern Christi ouch alle die vergriffen
sind / so Christen lüth hassend / sehend vñnd veruol
gend / marterend vnd tödend.

Psal 105.
Zachar. 2.

Matth. 25.

Iure 23.
Apoc 6.

Vñ dise all werdē vff den grichts tag des Her
ren erfare was das sey / das der Herr in propheten
gesprochen hat / Wer sich die glöubigē anrürt / der
griff mir in min ongöpffel. Vnd im Euangelio /
Was jr disen minen den geringsten gethan / das
habē jr mir gethan. Darum wirt sy hie in dem sy
Christum anschowen werdē / in siner herrligkeit /
vñnd als den richter / die gröste angst / nott / forcht
vnd zittern / jamern / sünffzen / vñnd verzagen / an
kommen / das wie geschriben stadt / sy schreyen wer
dend : O jr berg / fallend über vns vñ bedecked vns

102

Vor dem zorn des der vff dem thron sitzt. Vnd werdend aber mit sömlicher jämmerlichen klage/gar nüt vfrichten/noch ire sachen verbessern. Dan sy richtig vnd one verzug faren müssen in ewige verdammuß.

Vnd wohin wirt sich denn hie feeren/ oder was kan der zyt thut / der gytig / dem das zytlich kätin zerbrüchlich güte vil lieber gesyn ist / dann die ewigen güter. Der ouch vñ der zergänglichē gütern willen/ Gott vnd die wält übergaben / gelogen/be-trogen/verurteilt/ gestolen/ gewücheret/ vnd alle böse gebrucht hat/nun das er zytlich güte überkame? Hienäben onch harb vnd vnbarmerzig gewest/als der armen francken ellenden nackenden vnd dürfftigen menschen sinen brüderm nie kein güts gethan hat. Alle rychtig gold vnd silber vff erden werdend vff den tag nit nun zu stoub vnd aschen/sunder ouch wie der heilig Apostel Jacobus züiget ein heitere zügnuß syn/ wider die rychen gytigen/dz sy billich verdampft werdind. Wohin wil sich ouch zu der zyt des gerächten heiligen gerichtes feeren/der vnkünsch wüst / der büler/ hürer/ eebrecher/iungfrowen schänder/vñ blütschändige sodomitesche greuel? Oder wohin wöllēd sich zur selben zyt wendē die verfräsnē wenscht vñ vertruncken fläschen vñ wünschluch / deren Gott hie in zyt allein der buch wüst vnd faadt gewesen ist? Frässe-ry / trunckenheit vnd vnkünschheit werdend von wältmenschen genempt vnd gehalten für wollüst/

Der gytige

Jacob. 5:

Vnkün-
sche.

Prasser.

Wollust.

Von fröud vnd leyd

Todtschle-
ger.

Matth. 26.

Apo. 22.

Die un-
gläubigen
zur pyn rei-
ch vnd ewi-
g gemacht.

Ein rächter wollust gehalten werden / vß dem doch
gwüß vnd entlich volget / so grosse vneer schand vñ
schmaach / so grosser schmerz / jamer / angst vñnd
nadt? Oder was wil der balger vñnd todtschleger /
der Gottes läbendige bildnuß müßwillig / erwan
vß zorn / erwan vñm gölts willen / vßgelöschet hat /
vñnd aber der Herr den todtschlag so thür vñnd
hoch achtet / vß diesen tag für den richter bringen /
insonders so er noch nie für sin blütige sünd / we-
der rüw noch leyd ye gehebt / sunder vil me sich der
sünd gerümpet vñnd sich in iren erstört hat? Dan
vñser Herr Christus der gerächte richter kompt
nekund zum gericht / an allen vñnbüßfertigen zü
straaffen dise vñnd alle andere der glychē sünd / wie
geschriben ist / Es wirt der Sun des mensche kom-
men in d herrligkeit seines Vatters / mit sinen Eng-
len / vñnd als dann wirt er einem yeden vergälten
nach sinen wercken. Vñnd widerum / Aber den
forchtsamen vñnd den vñngläubigen / den grewenli-
chen / vñnd todtschlegern / den hüreren vñnd zoubere-
ren / den gökendienern / vñnd allen lugneren / wirt ir
teil syn in dem dench / der da brünt von shür vñnd
schwäbel. Vñnd im 19. cap. der Offenbarung / Vñnd
ir rouch gieng vß von ewigheit zü ewigheit / 2c.

Vñnd glych wie die abgestorbenen gläubigen / vß
des Herren gericht erweckt / von den todten / vñnd
die den Züngsten tag ersäbend schnell zur vñnstärb-
ligkeit vñnd herrlichkeit verenderet werdend : also
ouch werdend vß den selben tag die vñngläubigen
von todten mit iren selbs lyben vßerweckt / zü wel-
chen

chen ire seelen widerum kommend / vnd auch ver-
 enderet werdend. Dann was an inen zerbrüchlich
 ist / wirt vnzerbrüchlich / also das ire seelen vñ lych-
 nam weder in dem hellischen schein noch in andern
 pynen vnd straaffen werdend vshören noch ver-
 zert werden. Gott stächlet sy / also zü reden / das ist
 er machet sy vnzerbrüchlich / od wirig in aller pyn
 vnd nodt / das sy weder durch schein noch kein ande-
 re pyn mögend verzert werden. Vnd ist in der vn-
 gläubigen verenderung kein eer / kein herrligkeit /
 kein klarheit / kein macht noch kraafft / weder fröud
 noch müte / sund allein vneer / schäd / ellend / schwach-
 heit / finsternuß / lend / truren / lyden / angst vnd
 nodt / zittern / anlassen / klagen / iamern / sinnstse /
 verzagen vñ verzweiflen. Wie der Herr selbs das
 anzeigt in dem Ryche frasser oder prasser Euce am
 16. vnd noch klarer in der Offenbarung Joannis
 am 19. vnd 20. capitlen.

Vnd zü diser zyt des gerichtis / vnd der vristan-
 de auch verenderung der todten / wirt den vngläu-
 bigen vnd vnbüßfertigen menschen von Gott vfer-
 legt werden / die ganz vnd vollkommen raach vnd
 straaff der sünden. Dann der abgestorbenen gottlo-
 sen seelen / sind von der zyt irs abscheids von dem
 lych / in der hellen pyn gewäsen / ire lych aber die sich
 mit der seel verschuldet / vnd sträfflich worden / sind
 begraben oder sunst verzert worden / vnd habend
 mittler zyt kein straaff erlitten / onet das sy allem
 irs labens sind beroubt gewäsen. Wenn aber der
 tag des Herren kompt / die lych vferweckt vnd die

Die volle
 Form
 straaff den
 vngläubig-
 en vffge-
 legt.

Von fröud vnd leyd

Seelen zu iren lyben widerum kommend vnd verei-
niget werdend / dann erst wirt das vrtail gefellt / vñ
kompt die raach vnd straaff Gottes über die gan-
zen menschen an lyb vnd seel. Vnd das ist ouch vil
ein grösser jamer vnd lyden / dann immermer mö-
ge benampset werden. Paulus redt daruon vñnd
spricht / Wenn der Herr Jesus geoffenbaret wirt
vom himel sampt den englen seiner kraafft in dem
shürflammen / wirt er die raach üben gegen denen /
die Gott nit erkennend / vñnd die nit gehorsam sind
dem Euangelio Jesu Christi / welche dann werdē
die straaff lyden das ewig verderben / vor dem an-
gesicht des Herren / vñnd vor der herrligkeit seiner
stercke / wenn er kommen wirt sich zu verklären in
sinen heiligen / vnd das er wunderbar werde in al-
len gläubigen vff den selben tag / 2c. 2. Thess. 1. cap.

Die vn-
gläubige
all in ein
vñreine
gmeind za-
men vers-
samlet.

Wie nun alle vñberwellten patriarchen / prophe-
ten / apostlen / marterer vnd getrüwe herrliche die-
ner vnd dienerin Gottes sampt allen vnseren gläu-
bigen vorderen mit einandren in ein herrliche ge-
meind lieblich versamlet / in wun vñnd höchster
fröud einandern ansähen vñ mit einandern Gott
prysen / loben vnd dancken werdend / also werdend
ouch in ein grewenliche / wüste / vñreine / schandtli-
che gmeind / mit den tüsten vnd allen sinen englen
versamlet werden / alle tyrannen / gottsfind / gotts-
lesterer / gökendiener / grewenliche in d̄der vnd ver-
rädter / schandtliche bößwicht vnd verzwyflet schel-
men / die von ye wälten har vff erden geläbt habēd /
als Cain / Nimroth / Cham / Pharao / Senache-
rib /

rib/ Baltassar/ Judas/ Nero/ vñ was derglychen
 verflüchter mensche ye in diser wält gewäsen sind:
 welche all ein andern mit höchstem vnwillen spott
 vnd grißgrammen anschowen / vnder einanderen
 wider Gott wüten/ klagen/ murmeln vñnd lestern
 werdend. Vnd daruff ist gericht das der Herr am
 Jüngsten tag vnd gericht spräche wirt zü den ver-
 lornen / Gond hin von mir jr verflüchten in das
 ewig shür / das dem Tüfel vñnd sinen Englen be-
 reitet ist. Daruon wer wil besähe ouch wyter Isa-
 ie am 14. vñnd letsten cap. Was grossen vñndru-
 kes aber / leyds / vñnd widerwertigkeit wäre dir das
 hic vff erden / wenn du nun etlich tag müßtest by-
 wohnen vñnd verschlyssen mit etlichen den aller gre-
 wentlichsten / vnreinisten / verflüchtesten / grusami-
 sten vñnd tüfelhaftigsten menschen? Vñnd müs-
 send aber die vñngloubigen verdampfen / mit allen
 sömlichen grewentlichen Gottsfinden / die ye vff er-
 den geläbt / ja mit dem tüfel selbs vñnd by allem si-
 nem schüklichen anhang in ewigkeit / ja in ewig-
 keit blyben / bywohnen vñnd verhaßt syn in der hellē
 schen pyn. Dargegen sähen von fernuß wie herr-
 lich alle gloubigen / mit grossen eeren vñnd fröuden
 in ewige sälligkeit empfangen / sy aber in ewiger
 pyn vñnd nodt one hoffnung einicher erliberung
 oder erlösung / blyben müßend. Wie dan der Herr
 selbs zilget vñnd spricht / Wychend all von mir jr
 übelthäter. Da wirt dann syn hülen vñnd zanklafe-
 sen / wenn jr sähen werdend Abraham / Isaac vñnd
 Jacob alle propheten im rych Gottes / üch aber

Von fröud vnd leyd

aber hinuß gestossen syn. Luce 13. capitel.

Der vns
gläubigen
glück in ee-
wigs vns
glück ver-
leert.

Vff disen tag werdend alle vngläubigen irem grossen glück das sy vff erden/in irem sündigen läben gehebt / ouch irem bochen vnnnd rümen/das sy mürtwillig gefürt wider die gläubigen/die sy verfürer / käger / vnnnd verflüchte geschulten habend / an ein end kommen. Dann vff den tag werdend sy heiter sähen vnnnd befinden / das die sy vff erden geschmächte vnnnd veruolget habend / rächte Gottes fründ vnnnd geliebte gewäsen sind / darzü werdend sy erfahren / das sy mit iren vnträchten rüchtigen / mit iren vnreinen wollüsten / vnnnd zytlichen be-eruglichen glück / vnd hochmütigen eeren/deren sy sich größlich überhebt / als zü der mekg / wie das mestfäch vnd zum schlachtpiel gemestet sind / vnd das nekund alles glück/aller pracht / alle herrligkeit/vnd aller wollust verstorben vñ verlossen/vnd nekund gar nüt mee überig ist dann ach vnd wee/vnd das größte herkleud vñ höchste immerwärende pyn vnd straaff. Daruon lisset man im büch der Wjsheit Solomons also/ Den werdē die frommen in grosser standthaffte stan wider die die sy gerängt / vnd ir arbeit vngenommen habend. Wen sy das sahen werdē / wirt sy ein grusamer schräck antommen/vnd ein verwundernuß ab dem schnellen vnuersächnen heil. Denn werdē sy achten vß angst ires gemüts/vnnnd in inen selbs gedanken/rüwende vñ sünffkende von grosser angst ires herzens / Das sind die/die wir vor zytē für ein gspött gehebt/vñ mit denen wir vnsern spott vñ schmach-
red

red getriben habend. Ach wie sind wir so thorächt
gewäsen / dz wir gemeint jr läben sye ein vnfinnig-
keit / vnd jr end sye one eer. Sihe wie sind sy nekt
vnder die kinder Gottes gezellt vnd habend iren teil
mit den frommen. Wir sind von dē wäg der waar-
heit wyt irß gangē / der glast der fromkeit hat vns
nit gelüchtet / vnd die Son des verstands ist vns
nit vfgangen. Müd sind wir worden im wäg der
boßheit vnd verderbnuß. Schwäre wäg sind wir
gangen / von dem wäg des Herren habend wir nit
gewüßt. Was hat vns nun vnser hochfart nit
gebracht? Oder was hat vns genükt der pracht vn-
ser ruchtigen? Die ding alle sind hingangen wie
der schatten / vnd wie ein löufferbott der für loufft /
vnd wie ein schiff das über die wällen loufft / wenn
es fürkompt so sicht man nit wo es gangen ist / vn-
sin pfaad findt man im wasser nienan / zc. Eiß das
hernach volgt Sapientie am 5. cap.

Ernstliche vermanung zum was-
chen vnd bätten / vnd das sich meng-
lich vff des Herren tag rüste vnd
des gerichtis in der gottsforcht vnd
glouben erwarte.

Dad diewyl dann disem allem im grund
eigentlich gewüß vnd waarhafftig also
ist / die zyt ouch aller diser dingen / sich er-
louffen hat / vnd des Herren tag nun me
vns / als vor der thüren / stadt / ist ne billich / vnd

E v

Von freud vnd leyde

hoch nottwendig / das wir nach des Herren wort
vnd vermanung / vnser haupter nit in die ascher
nidtsich hantind / vnd nun die erden vnd yrrdische
ding beschowind vnd suchind / sunder vnser hou-
pter zu Gott vnd himmelischen dingen vshelibind /
vnd ernstlich wachind vnd bättind / dem gestran-
gen gericht vñ der ewigen sälligkeit nachtrachtind.

2. Petri 4.

Dann wir lang gnüg vnd nun zu vil lang / vnbe-
sint / vnachtsam vnd liederlich / ja den yrrdischen
dingen zu gar vil ergaben gewäsen vnd noch sind.
Lassend vns vil mee wachen / bätten vnd sorgsam
syn / vnd vns vff des Herren zukunfft mit glouben
vnd liebe rüsten. Lassend vns hie flüssig hören / wie
vns hierin der sällig Apostel Petrus vnderrichtet /
vnd vermanet. Da swaaren kein läblicher vnd
kräftigere vermanung nimmermer / von niemant
liberal mag noch kan erfunden werde. Der spricht
zu vns allen vnd nedem insonders.

2. Petri 3.

Es wirt des Herren tag kōmen wie ein dieb in
der nacht / an welchem die himmel mit grossen kra-
chen zergan / die element aber von hit zerschmelkē /
vnd die erd sampt den wercken die daruff sind ver-
brünnen werdend. Sittenmal aber nun diß alles
vergon sol / wie söllē ir doch so fürträffenlich syn /
mit heiligem wandel vnd gottsäligem wäsen? also
das ir wartind vnd yllind zu der zukunfft des tags
Gottes / an welchem die himmel mit fñur zergan /
vnd die element von hit zerschmilken werdē. Wir
wartend aber nach siner verheissung / nitwer him-
len vnd einer nūwen erden / in welchen die geräch-
tigkeit

rigkeit wohnet. Darum ir fürgeliebten/ diewyl ir daruff warted/ so flyssend üch das ir vor im erfunden werdind vnbesleckt vnd vnsträfflich im friden. Vnd achtend die dultmütigkeit vnseres Herren Jesu Christi für üwere sältigkeit/ 2c. Vnd diewyl ir das alles vorhin wüßend / so verwarend üch/ das ir nit durch irthum der grüwlichen/ mit inen abgefürt werdind/ vnd von üwer eignen vestung empfallind/ sunder wachsend in der gnad vnd erkantnuß vnseres Herren vnd heilands Jesu Christi. Dem selben sye eer nun vñ zu ewigen zytē. Amē.

In der Offenbarung Joannis am 14. cap.

Dad ich hab ein andern Engel gesehen/ mitten durch den himmel fliegen / der hat das ewig Euangeliiū/ das ers verkünden solte / denen die vff erden wohnend/ vnd allen heiden vnd geschlächten/ vnd jungen vnd völcfern/ der sprach mit luter stüm/ fürchtend Gott/ vnd gäbend im die eer. Dann die stund sines gerichtis ist kommen. Vnd bättend den ander den himmel vnd die erden/ vnd das meer vnd die wasser brunnen geschaffen hat.

Etliche zügnuffen mee / von dem
Gericht / vnd von der Zü-
kunfft vnfers Herren Chri-
sti / zum gericht.

Im prediger Solomons cap. 12.

Lassend vns aller dingen beschluß sum vnd
end hören / Hab Got vor ougen vnd halt sine
Gebott. Dann das stadt zü vnd berürt alle mens-
schen. Dan Gott wirt alle werck vnd radtschleg
richten / ouch alle heimligkeiten vñ verborgne ding /
sy syend güt oder böß.

Isaie 66. cap.

Sihe der Herr wirt mit shür kommen / vnd
sin wagen einer windtsbrut glych syn / das
er sin raach in sinem zorn widergälte / vnd sin vn-
gnad mit dem shürflammen / Dan der Herr wirt
mit dem shür vnd mit sinem schwert alles fleisch
richten vñ wirt der erstochnen des Herren ein gros-
se zaal syn. Dan ich wird kommen alle vöcker vnd
zungen zü samlen sampt iren wercken vnd radts-
schlegen / die werdend kommen vnd min herrligkeit
sähen. Vnd werdend hinauß gan / vñ die cörper de-
ren die wider mich gethan habend besähen. Danit
ir wurm wirt nit sterben noch ir shür erlöschent /
vnd werdend allem fleisch ein abschühen oder gre-
wel syn.

Danielis

Danielis 7. cap.

Ich lügt zu bis daß gestület / oder die stül ge-
stellt wurdend / vnnnd sich der alt betaget nider
gesakt. Sin kleid was schneewiß / vnd das haar si-
nes houpts wie ein reine woll / in thron was wie
ein shürflam vnnnd sine reder wie ein brünnendts
shür. Ein shürstrom zoch sich vnnnd gieng von im
heruß. Tusedt mal tusedt dienetend im / vnd zä-
hen tusedt mal zähen tusedt stündend vor im.
Das gricht ward besekt vnd die bücher vsgethan.

Ich sach in der gesicht by der nacht / vnd sihe es
kam einer in den wolcken des himmels wie ein
menschen Sun / der reicht bis zu dem alten betag-
ten (der Sun ist aller dingen glych de Batter) für
den sirt man in / Do ward im gewalt vnd könig-
liche wurde gäben / das im alle geschlächht völkter vn-
zungen dienen söltind.

Zacharie 14. cap.

Wid der Herr min Gott wirt kommen / vnnnd
alle heiligen mit im. Zu der zyt wirt kein liecht
syn / sunder kelle vnnnd frost vnd wirt ein tag syn /
der dem Herren befañt ist / weder tag noch nacht /
vnd vñ den abend wirts liecht syn / etc.

Malachie 4. cap.

Zämmend war der tag kompt / der wie ein bach
ofen brennen wirt / vnnnd alle stolzen fräffler /


sampt allen denen die gottloslich handlend / werdend
wie strow syn / vnd der zükünfftig tag wirt sy ver-
flacken (spricht der Herr der herrscharen) das inen
weder zwoy noch würkel überblybt. Vch aber die
minen namen fürchtend / wirt die Son der gräch-
tigkeit vfgan / gesundtheit vnd heil vnder iren flüg-
len. Ir werdend vfgon vnd wachsen wie die mest-
selber. Ir werdend die gottlosen zertretten. Dan sy
werdend wie stoub syn vnder üwern füßen.

vff den tag den ich schaffen. Spricht
der Herr der herrzügen.

ALVENSLEBEN

Ad

612



Von höchster Fröud vnd
 gröstem Leyd des künfftigē Jüng
 sten tags / vff welchen vnser Herr
 Jesus Christus kommen wirt / zū richten die
 lebenden vnd todten / vnnnd sine gläubigen
 zū jm beruffen / vnnnd Begaaben mit ewiger
 fröud vnnnd sälligkeit / vnd die vngläubigen
 verstoffen vnd straaßen mit ewigem leyd vñ
 imerwärender pyn / Getrüwe warnüg / güts
 ter trost / vnd grundtlicher Bericht / Heins
 rychen Bullingers Dieners der
 Kyrchen zū Zürych.

In diesem bericht wirst du lieber Läser finden
 allen handel vnd das gantz wäßen diser vnser letz
 sten zyt / ouch des Jüngsten tags vnd gerichts vn
 sers Herren Jesu Christi / ganz nütz vnnnd nodt
 wendig dir zū läsen vnd zū wüssen.

I E S V S

Das ist mein sürgellepter Sun / in dem ich verfa
 net bin / jm sind gehödig. Matth. 3. 17.

Getruckt zū Zürych / by Christoffel
 Froschouer. M. D. LXXII.

